

75

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 84. sjednici, održanoj 05.06.2025. godine, d o n o s i:

ZAKLJUČAK

I

Prihvata se Mišljenje Ministarstva unutrašnjih poslova, broj: 08-02-06/1-02-1-3435-2/24 od 21.02.2025. godine, dato po inicijativi Kapković Alena poslanika u Skupštini Zeničko-dobojskog kantona u vezi izmjene i dopune člana 33. tačka c) i d) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 06/19, 22/19, 21/20, 10/21 i 8/23).

II

Zaključak sa Mišljenjem iz tačke I ovog zaključka upućuje se u dalju skupštinsku proceduru.


III

Zaključak stupa na snagu danom donošenja.

Broj: 02-02-11403 /25
Datum, 05.06.2025. godine
Zenica

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



PRIMJER

Mezir Pivić



Broj: 08-02-06/1-02-1-3435-2 /24.
Datum: 21.02. 2025. godine

Skupština Zeničko-dobojskog kantona je Ministarstvu unutrašnjih poslova Zeničko-dobojskog kantona uputila inicijativu poslanika u Skupštini Zeničko-dobojskog kantona Kapković Alena, za izmjenu i dopunu Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18, 06/19, 22/19, 21/20, 10/21 i 8/23), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

MIŠLJENJE

Razmatrajući dostavljenu inicijativu poslanika u Skupštini Zeničko-dobojskog kantona Kapković Alena, za dopunu člana 33. tačka c) i izmjenu člana 33. tačka d) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18, 06/19, 22/19, 21/20, 10/21 i 8/23) mišljenja smo da se predložena Inicijativa **ne prihvati** iz sljedećih razloga:

Predloženom inicijativom za dopunu člana 33. tačka d) Zakona se predlaže" da se iza riječi "bodova", dodaju riječi "društvenog smjera". Predloženom dopunom policijski službenici-kandidati za policijskog komesara koji nemaju završen fakultet društvenog smjera bi se doveli u diskriminirajući položaj u odnosu na druge policijske službenike-kandidate koji imaju završen fakultet društvenog smjera. Naime, u trenutno važećem Pravilniku o unutrašnjoj organizaciji Ministarstva unutrašnjih poslova kod radnih mjesta policijskih službenika nije propisana vrsta školske spreme, tako da se kod izbora kandidata u policijsku službu mogu prijaviti svi kandidati bez obzira na vrstu školske spreme. Smatramo da se ovo pitanje treba sistemski riješiti, a ne samo kroz dopunu Zakona o unutrašnjim poslovima. Pored toga, smatramo da bi se na ovaj način samo još dodatno ograničio broj kandidata koji bi mogli konkurisati za poziciju policijskog komesara, jer vrlo mali broj policijskih službenika ispunjava uslove za poziciju policijskog komesara, još ovim ograničenjem na samo društveni smjer taj broj bi se sveo na minimum, što bi u konačnici imalo za posljedicu ograničavanje konkurencije prilikom izbora kandidata za policijskog komesara. Također, smatramo da policijski službenici koji imaju čin glavnog inspektora su policijski službenici koji su kroz svoju karijeru morali proći sve rukovodne činove, i da su kroz taj proces rukovodili najvećim i najsloženijim organizacionim jedinicama sa istom vrstom školske spreme, te da ne vidimo razlog zašto bi neko samo iz razloga zato što ima fakultet društvenog smjera mogao bolje rukovoditi od policijskog službenika koji nema taj smjer, iako je kako smo naprijed istakli morao proći kroz sve policijske poslove uključujući i rukovođenje najvećim organizacionim jedinicama i rukovoditi najsloženijim policijskim akcijama.

Predloženom inicijativom za izmjenu člana 33. tačka d) Zakona se predlaže "da kandidat za policijskog komesara ima čin glavnog ili samostalnog inspektora i namanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu". Prema važećem Zakonu kandidat za policijskog komesara mora imati čin glavnog inspektora i najmanje



tri godine iskustva u istom.

Predloženom izmjenom narušila bi se usklađenost Zakona o unutrašnjim poslovima sa drugim propisima.

Naime, pitanje činova i unapređenja kao i vrijeme koje je potrebno provesti u određenom činu kao uslov za prelazak u sljedeći viši čin precizno je regulisano "Poglavljem V.- Činovi, ocjena rada i unapređenja policijskog službenika Zakona o policijskim službenicima Zeničko-dobojskog kantona -Prečišćeni tekst (" Službene novine Zeničko-dobojskog kantona", broj: 4/14 i 2/18).


Svi činovi koji se dodjeljuju policijskim službenicima su taksativno i hijerarhijski propisani članom 69. stav (3) Zakona o policijskim službenicima. Citirani član Zakona bez izuzetka obuhvata i čin glavnog inspektora kao i čin generalnog inspektora policije koji se dodjeljuje policijskom komesaru nakon što bude imenovan na tu dužnost.

U Odjeljku B, Poglavlja V citiranog Zakona detaljno su propisani postupak i uslovi za unapređenje policijskih službenika, pa se tako u članu 75. (kriteriji i uvjeti za unapređenje) u stavu (1) navodi: " Policijski službenik dobija naredni viši čin kada se ispune svi sljedeći uvjeti". Iz prethodnog citata "naredni viši čin" jasna je obaveza postupnog unapređenja iz čina u čin. Za elaboraciju našeg odgovora važna je i odredba člana 76. Zakona o policijskim službenicima (propisano vrijeme provedeno u prethodnom činu) gdje se u stavu (1) tačka d) propisuje da je za unapređenje od čina Višeg inspektora do čina Glavnog inspektora (dakle uključujući i čin Glavni inspektor) potrebno provesti tri godine u svakom činu. Imajući u vidu da se postupak i izbor imenovanja policijskog komesara propisuje Zakonom o unutrašnjim poslovima, zakonodavac je itekako vodeći računa o citiranim odredbama, kao i obavezi usklađenosti zakona propisao kao jedan od uslova za imenovanje policijskog komesara tri godine provedene u činu glavni inspektor, što je samim tim po principu analogije uslov da bi se policijskom komesaru dodijelio čin "generalni inspektor policije".

Iz prednjeg navedenog vidljivo je da su odredbe ova dva zakona isprepletene i kompatibilne kada je u pitanju postupak izbora i imenovanja policijskog komesara.

Predloženom izmjenom Zakona o unutrašnjim poslovima došlo bi do kolizije i neusklađenosti ova dva zakona i to sa nizom odredbi Zakona o policijskim službenicima. Važno je spomenuti da bi bilo kakvim izuzecima od primjene citiranih odredbi bio narušen sistem unapređenja policijskih službenika kao jedan od bitnih uvjeta kako za obavljanje redovnih poslova, rukovođenje tako i za ukupan sistem napredovanja i raspoređivanja policijskih službenika. Također predloženom izmjenom policijski komesar, kojem bi na predloženi način bio dodijeljen čin generalnog inspektora policije, bio bi nesmetano u mogućnosti da konkuriše za najviše rukovodne policijske dužnosti u policijskim organima u Bosni i Hercegovini za koji je propisano (Zakoni na nivou F BiH i BiH) dodjeljivanje čina "glavni generalni inspektor policije" a da pri tome nije proveo ni dana u činu glavni inspektor, što bi sa stanovišta postojećih propisa bilo neprihvatljivo.

Uopšteno izjednačavanje činova samostalni i glavni inspektor kao uslova za imenovanje policijskog komesara je nelogično i sa stanovišta složenosti poslova koje obavljaju policijski službenici sa ovim činovima. Naime, radno mjesto policijskih službenika je vezano za čin pa se uvidom u Pravilnik o unutrašnjoj organizaciji Ministarstva unutrašnjih poslova-POSEBNI DIO Uprava policije uočava da su opisi poslova na pozicijama glavnih inspektora mnogo složeniji i radi se o najodgovorijim pozicijama u Upravi policije. Ilustracije radi, Šef Odsjeka za edukaciju kojim rukovodi policijski službenik sa činom samostalni inspektor u svom Odsjeku ima raspoređena tri policijska službenika i bavi se isključivo pitanjima organizovanja edukacije, dok načelnik Sektora kriminalističke policije kojim rukovodi glavni inspektor, u Sektoru rukovodi sa šest Odsjeka i ukupno 73 zaposlenih, te je odgovoran za rad cjelokupnog Sektora, koordinaciju sa kriminalističkom policijom u svim Policijskim stanicama, zaduženi su za rješavanje najtežih i najsloženijih oblika kriminaliteta. Mišljenja smo da se iz ovih razloga ne mogu izjednačavati ova dva čina bez obzira na iskustvo koje se spominje u predloženim izmjenama.



Valja napomenuti da je u donešenje važećeg Zakona o unutrašnjim poslovima, kao i ukupnog seta propisa koji regulišu spomenutu oblast i ukupan djelokrug i nadležnosti policije značajne napore i pomoć pružila međunarodna zajednica ponajviše kroz saradnju sa Uredom visokog predstavnika za BiH (OHR) i predstavnicima specijalnog predstavnika Evropske unije u BiH (EUSR).

Donošenje Zakona o unutrašnjim poslovima pozdravljeno je i pohvaljeno pismom koje su Visoki predstavnik OHR-a n.j.e. gospodin Valentin Inzko i ambasador SAD u BiH Eric Nelson, uputili Skupštini Zeničko-dobojskog kantona, Vladi Zeničko-dobojskog kantona, Ministru MUP-a Zeničko-dobojskog kantona i policijskom komesaru.

Mišljenja smo da bi donošenje izmjena i dopuna koje su u suprotnosti sa zajedničkim uložnim naporima doveli u pitanje našu kredibilnost i kod međunarodnih prijatelja.

S poštovanjem!

Dostavljeno: 2x Naslovu,
1x a/a





Broj: 01-02-21339/24
Zenica, 26.12.2024. godine

30-12-2024
08-02-06/02-1-3435/Rg

02
1900 E
1809/1000
1x02-06

- VLADA ZENIČKO-DOBOJSKOG KANTONA
 - n/r premijera Kantona
 - n/r sekretara Vlade
- ZAKONODAVNO-PРАВNA KOMISIЈА SKUPŠTINE-*svim članovima*
putem Odjeljenja za poslove radnih i drugih tijela Skupštine i radno-pravne poslove/04-01

PREDMET: Inicijativa/Prijedlog Zakona o izmjeni i dopuni Zakona o unutrašnjim poslovima Zeničko-dobojskog kantona-skraćeni postupak, predlagača Alena Kapkovića, poslanika u Skupštini Zeničko-dobojskog kantona – *dostavlja se*

Alen Kapković, poslanik u Skupštini Zeničko-dobojskog kantona, na 35. sjednici Skupštine Zeničko-dobojskog kantona održanoj 23.12.2024. godine u okviru predtačke dnevnog reda: „Postavljanje poslaničkih pitanja i pokretanje inicijativa“, predao je u pisanoj formi i podnio predsjedavajućem Skupštine Zeničko-dobojskog kantona Inicijativu o Prijedlogu Zakona o izmjeni i dopuni Zakona o unutrašnjim poslovima Zeničko-dobojskog kantona, te je predložio da se isti, shodno odredbi člana 140. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), pretresa po skraćenom postupku, bez nacrt, iz razloga što se radi o jednostavnom i kratkom prijedlogu zakona kojim se mijenja član 33. tačka c) i d).

Naime, odredbom člana 128. stav 1. Poslovnika Skupštine Zeničko-dobojskog kantona propisano je da „pravo predlaganja zakona ima svaki poslanik, radno tijelo Skupštine, Vlada Kantona i općinsko vijeće“, dok je stavom 2. istog člana propisano da „o načinu podnošenja prijedloga zakona, njegovog upućivanja Skupštini, drugim tijelima Skupštine i zainteresovanim organima i drugim organizacijama i zajednicama, njegovog dostavljanja Vladi radi davanja mišljenja u slučajevima kada prijedlog nije utvrdila Vlada, njegovog razmatranja u Zakonodavno-pravnoj komisiji, shodno se primjenjuju odgovarajuće odredbe ovog Poslovnika koje se odnose na nacrt zakona.“

Odredbom člana 118. stav 3. Poslovnika Skupštine Zeničko-dobojskog kantona propisano je da „nacrt zakona predsjedavajući dostavlja i Vladi radi davanja mišljenja u slučajevima kada nacrt nije utvrdila Vlada.“

S tim u vezi, shodno odredbi člana 118. stav 4. Poslovnika Skupštine Zeničko-dobojskog kantona, dostavljamo vam na mišljenje navedeni Prijedlog Zakona i molimo dostavu mišljenja u propisanom roku od 30 dana, radi daljeg postupanja Skupštine po prijedlogu zakona u skladu s Poslovnikom Skupštine.

S poštovanjem,

SEKRE TAR

Ibrahim Avdagić

PRILOG: Prijedlog Zakona poslanika Kapkovića predat samo u pisanoj formi

DOSTAVLJENO:

3x Naslovu

1x Svim poslanicima Skupštine/(skenirano na e-mail adrese)/05-03

1x Ministarstvu unutrašnjih poslova Ze-do kantona, n/r ministra, na znanje

1x U spis predmeta/05-02 „R“



Alen Kapković
Zastupnik u Skupštini Zeničko-dobojskog kantona
Samostalni zastupnik

SKUPŠTINA ZENIČKO – DOBOJSKOG KANTONA
n/r predsjedavajućeg Skupštine

Predmet: Prijedlog Zakona o izmjeni i dopuni Zakona o unutrašnjim poslovima Zeničko – Dobojskog kantona, dostavlja se

Poštovani,

U skladu sa odredbom člana 128. i člana 140. Poslovnika Skupštine Zeničko – dobojskog kantona, u svojstvu samostalnog zastupnika Skupštine Zeničko-dobojskog kantona, podnosim prijedlog Zakona o izmjeni i dopuni Zakona o unutrašnjim poslovima Zeničko – dobojskog kantona.

Član 1.
(Izmjena člana 33.)

U Zakonu o unutrašnjim poslovima Zeničko – dobojskog kantona ("Službene novine Zeničko-dobojskog kantona", broj 13/18, 6/19, 22/19,21/20, 10/21 i 8/23), u članu 33. tačka c), iza riječi "bodova;" dodaju se riječi "-društvenog smjera".

U Zakonu o unutrašnjim poslovima Zeničko – dobojskog kantona ("Službene novine Zeničko-dobojskog kantona", broj 13/18, 6/19, 22/19,21/20, 10/21 i 8/23), u članu 33. tačka d) mijenja se i glasi:

"da ima čin glavnog ili samostalnog inspektora i najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu"

U vezi sa naprijed navedenim odredbama Poslovnika Skupštine Zeničko – dobojskog kantona, predlažem da se prijedlog Zakona o unutrašnjim poslovima Zeničko – dobojskog kantona ("Službene novine Zeničko-dobojskog kantona", broj 13/18, 6/19, 22/19,21/20, 10/21 i 8/23), pretresa po skraćenom postupku, bez nacрта, iz razloga što se radi o jednostavnom i kratkom prijedlogu zakona kojim se mijenja član 33.tačka c) i d).

Član 1.
(Izmjena člana 33.)

U Zakonu o unutrašnjim poslovima Zeničko – dobojskog kantona ("Službene novine Zeničko-dobojskog kantona", broj 13/18, 6/19, 22/19,21/20, 10/21 i 8/23), u članu 33. tačka c), iza riječi "bodova;" dodaju se riječi "-društvenog smjera".

U Zakonu o unutrašnjim poslovima Zeničko – dobojskog kantona ("Službene novine Zeničko-dobojskog kantona", broj 13/18, 6/19, 22/19,21/20, 10/21 i 8/23), u članu 33. tačka d) mijenja se i glasi:

"da ima čin glavnog ili samostalnog inspektora i najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu"

S poštovanjem,

Podnosilac prijedloga


Alen Kapković

Zenica, 23.12.2024.godine.

OBRAZLOŽENJE

I – USTAVNI OSNOV ZA DONOŠENJE ZAKONA

Ustavni osnov za donošenje Zakona o izmjeni i dopuni Zakona o unutrašnjim poslovima Zeničko-dobojskog kantona sadržan je u odredbi člana 37. stav (1) tačka f) Ustava Zeničko – dobojskog kantona, kojom je propisano da Skupština Zeničko – dobojskog kantona donosi zakone i ostale propise za izvršavanje kantonalnih nadležnosti.

II – RAZLOZI ZA DONOŠENJE

Razlozi za donošenje Zakona o izmjeni i dopuni Zakona o unutrašnjim poslovima Zeničko-dobojskog kantona (u daljem tekstu: Prijedlog Zakona) sadržani su u sljedećim činjenicama:

Izmjena, odnosno dopuna koja se ogleda u određivanju društvenog smjera obrazovanja kao jednog od uslova koje bi kandidati za policijskog komesara morali ispunjavati, predložena je kako bi se omogućilo da na poziciju policijskog komesara bude imenovana osoba koja posjeduje obrazovanje koje omogućava dublje razumijevanje socijalnih i društvenih problema, te koje omogućava razvijanje efikasnih strategija za prevenciju i suzbijanje svih vrsta kriminaliteta.

S obzirom na trenutnu sigurnosnu situaciju u Zeničko-dobojskom kantonu, povećan broj krivičnih djela, saobraćajnih nesreća sa smrtnim ishodom, koje su u našem Kantonu postale svakodnevica, kao i opšte nezadovoljstvo građana ali i samih policijskih službenika, smatramo da bi obrazovanje društvenog smjera bilo od ključne važnosti za razumijevanje društvenih, međuljudskih i svih drugim aspekata potrebnih za kvalitetno rukovođenje policijskim strukturama.

Zatim, Zakonom o unutrašnjim poslovima Zeničko – dobojskog, odnosno članom 33. tačka d), čija se izmjena traži, ograničava se konkurencija policijskim službenicima koji se mogu pojaviti kao kandidati za mjesto policijskog komesara.

Dakle, između ostalih propisanih uslova, prema važećem Zakonu, kandidat za policijskog komesara mora imati čin glavnog inspektora i najmanje tri godine u činu glavnog inspektora.

Ovakva formulacija uslova potrebnih da bi se policijski službenici kandidovali za mjesto policijskog komesara, onemogućava velikom broju policijskih službenika da se kandiduju a koji imaju dugogodišnje iskustvo na raznim rukovodnim mjestima unutar policijskih struktura i kojima nije bila pružena mogućnost sticanja čina glavnog inspektora iako su ispunjavali uslove.

Predloženom izmjenom zakona, omogućio bi se pravičniji izbor kandidata za policijskog komesara, jer bi mogućnost kandidovanja imao veći broj policijskih službenika a što bi, na kraju, dovelo do zasigurno, izbora najboljeg kandidata za mjesto policijskog komesara.

Uzimajući u obzir naprijed navedeno, predlažem da se Zakon o izmjenama i dopunama Zakona o unutrašnjim poslovima donese u predloženom tekstu i da se razmatra po skraćenom postupku.

OBRAZLOŽENJE POJEDINIH PRAVNIH RJEŠENJA

Član 1. Prijedloga Zakona

U članu 33. Zakona vrši se izmjena uslova koje kandidati za policijskog komesara moraju ispuniti tako da se kandidatura omogućava policijskim službenicima sa završenim najmanje VII stepenom školske spreme prvog ciklusa obrazovanja bolonjskog sistema studiranja sa 240 ECTS bodova – društvenog smjera, i koji imaju čin glavnog ili samostalnog inspektora sa najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu.

Član 2. Prijedloga Zakona

Propisano je stupanje na snagu osmog dana od dana objavljivanja u "Službenim novinama Zeničko-dobojskog kantona".

POTREBNA FINANSIJSKA SREDSTVA

Provođenje predloženog Zakona o izmjenama i dopunama Zakona o unutrašnjim poslovima Zeničko-dobojskog kantona neće rezultirati fiskalnim posljedicama na Budžet Zeničko-dobojskog kantona, jer nema potrebe za obezbjeđivanjem dodatnih budžetskih sredstava.

OBRAZLOŽENJE

I – USTAVNI OSNOV ZA DONOŠENJE ZAKONA

Ustavni osnov za donošenje Zakona o izmjeni i dopuni Zakona o unutrašnjim poslovima Zeničko-dobojskog kantona sadržan je u odredbi člana 37. stav (1) tačka f) Ustava Zeničko – dobojskog kantona, kojom je propisano da Skupština Zeničko – dobojskog kantona donosi zakone i ostale propise za izvršavanje kantonalnih nadležnosti.

II – RAZLOZI ZA DONOŠENJE

Razlozi za donošenje Zakona o izmjeni i dopuni Zakona o unutrašnjim poslovima Zeničko-dobojskog kantona (u daljem tekstu: Prijedlog Zakona) sadržani su u sljedećim činjenicama:

Izmjena, odnosno dopuna koja se ogleda u određivanju društvenog smjera obrazovanja kao jednog od uslova koje bi kandidati za policijskog komesara morali ispunjavati, predložena je kako bi se omogućilo da na poziciju policijskog komesara bude imenovana osoba koja posjeduje obrazovanje koje omogućava dublje razumijevanje socijalnih i društvenih problema, te koje omogućava razvijanje efikasnih strategija za prevenciju i suzbijanje svih vrsta kriminaliteta.

S obzirom na trenutnu sigurnosnu situaciju u Zeničko-dobojskom kantonu, povećan broj krivičnih djela, saobraćajnih nesreća sa smrtnim ishodom, koje su u našem Kantonu postale svakodnevica, kao i opšte nezadovoljstvo građana ali i samih policijskih službenika, smatramo da bi obrazovanje društvenog smjera bilo od ključne važnosti za razumijevanje društvenih, međuljudskih i svih drugim aspekata potrebnih za kvalitetno rukovođenje policijskim strukturama.

Zatim, Zakonom o unutrašnjim poslovima Zeničko – dobojskog, odnosno članom 33. tačka d), čija se izmjena traži, ograničava se konkurencija policijskim službenicima koji se mogu pojaviti kao kandidati za mjesto policijskog komesara.

Dakle, između ostalih propisanih uslova, prema važećem Zakonu, kandidat za policijskog komesara mora imati čin glavnog inspektora i najmanje tri godine u činu glavnog inspektora.

Ovakva formulacija uslova potrebnih da bi se policijski službenici kandidovali za mjesto policijskog komesara, onemogućava velikom broju policijskih službenika da se kandiduju a koji imaju dugogodišnje iskustvo na raznim rukovodnim mjestima unutar policijskih struktura i kojima nije bila pružena mogućnost sticanja čina glavnog inspektora iako su ispunjavali uslove.

Predloženom izmjenom zakona, omogućio bi se pravičniji izbor kandidata za policijskog komesara, jer bi mogućnost kandidovanja imao veći broj policijskih službenika a što bi, na kraju, dovelo do zasigurno, izbora najboljeg kandidata za mjesto policijskog komesara.

Uzimajući u obzir naprijed navedeno, predlažem da se Zakon o izmjenama i dopunama Zakona o unutrašnjim poslovima donese u predloženom tekstu i da se razmatra po skraćenom postupku.

OBRAZLOŽENJE POJEDINIH PRAVNIH RJEŠENJA

Član 1. Prijedloga Zakona

U članu 33. Zakona vrši se izmjena uslova koje kandidati za policijskog komesara moraju ispuniti tako da se kandidatura omogućava policijskim službenicima sa završenim najmanje VII stepenom školske sprema prvog ciklusa obrazovanja bolonjskog sistema studiranja sa 240 ECTS bodova – društvenog smjera, i koji imaju čin glavnog ili samostalnog inspektora sa najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu.

Član 2. Prijedloga Zakona

Propisano je stupanje na snagu osmog dana od dana objavljivanja u "Službenim novinama Zeničko-dobojskog kantona".

POTREBNA FINANSIJSKA SREDSTVA

Provođenje predloženog Zakona o izmjenama i dopunama Zakona o unutrašnjim poslovima Zeničko-dobojskog kantona neće rezultirati fiskalnim posljedicama na Budžet Zeničko-dobojskog kantona, jer nema potrebe za obezbjeđivanjem dodatnih budžetskih sredstava.



Godina XXIII - Broj 13

ZENICA, četvrtak, 27.09.2018.god.

SKUPŠTINA

344.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj 17.09.2018. godine, donosi

ZAKON O UNUTRAŠNJIM POSLOVIMA ZENIČKO-DOBOJSKOG KANTONA

DIO PRVI – OSNOVNE ODREDBE

Član 1. (Predmet zakona)

Ovim Zakonom se ureduju unutrašnji poslovi iz nadležnosti Zeničko-dobojskog kantona (u daljem tekstu: Kanton), organizacija i nadležnost Ministarstva unutrašnjih poslova Zeničko-dobojskog kantona (u daljem tekstu: Ministarstvo), rukovođenje Ministarstvom, rukovođenje Upravom policije, imenovanje, sastav i funkcionisanje Nezavisnog odbora, konkursna procedura, te imenovanje i mandat policijskog komesara, ocjena rada, postupak smjene i razrješenja i disciplinska odgovornost policijskog komesara, imenovanje, sastav i funkcionisanje Ureda za pritužbe javnosti, zaposlenici Ministarstva, dan policije i nagrađivanje, međusobni odnosi i saradnja Ministarstva sa Ministarstvom sigurnosti Bosne i Hercegovine i drugim ministarstvima unutrašnjih poslova u Bosni i Hercegovini, policijskim organima, organima uprave i jedinicama lokalne samouprave u Kantonu, te druga pitanja od značaja za rad, organizaciju i ostvarivanje funkcije Ministarstva.

Član 2. (Pravni osnov za rad Ministarstva)

(1) Unutrašnje poslove na teritoriji Kantona vrši Ministarstvo.

(2) Rad Ministarstva zasniva se na Ustavu Bosne i Hercegovine, Ustavu Federacije Bosne i Hercegovine, Ustavu Zeničko-dobojskog kantona te zakonima i drugim propisima Bosne i Hercegovine, Federacije Bosne i Hercegovine (u daljem tekstu: Federacija) i Kantona.

Član 3. (Principi policijske službe)

Svi propisi iz nadležnosti Ministarstva i Uprave policije, moraju biti u skladu sa Međunarodno prihvaćenim principima policijske službe u demokratskoj državi, koje je Federacija usvojila 25. aprila 1996. godine u Bonn - Petersburgu.

Član 4. (Nacionalna zastupljenost)

Nacionalni sastav zaposlenih u Ministarstvu i Upravi policije odražava nacionalnu strukturu stanovništva na teritoriji koju obuhvata Kanton prema popisu stanovništva iz 1991. godine.

Član 5. (Ravnopravnost spolova)

Gramatička terminologija u ovom Zakonu podrazumijeva uključivanje oba spola.

Član 6. (Pravni status Uprave policije)

(1) Uprava policije je kantonalna uprava u sastavu Ministarstva, čija se nadležnost, organizacija, rukovođenje, način rada i druga pitanja koja su od značaja za rad i funkcionisanje Uprave policije u okviru Ministarstva ureduje ovim zakonom.

(2) Uprava policije je policijski organ, koji vrši policijske poslove i ima operativnu samostalnost.

Član 7.
(Budžetski status Uprave policije)

- (1) Uprava policije ima status budžetskog korisnika unutar budžetskog razdjela Ministarstva i samostalno koristi sredstva za:
- a) plaće,
 - b) materijalne troškove, uključujući kapitalne izdatke,
 - c) posebne namjene,
 - d) opremu,
 - e) školovanje kadeta i specijalizaciju i
 - f) druge pripadajuće troškove vezane za poslove iz člana 19. ovog zakona.
- (2) Sredstva potrebna za rad Uprave policije koja nisu obuhvaćena stavom (1) ovog člana, osiguravaju se na budžetskoj poziciji Ministarstva.
- (3) Za obavljanje određenih poslova iz člana 19. tačka c) i d) ovog zakona formira se kasa za posebne namjene, za koju se finansijska sredstva osiguravaju u okviru budžetskih sredstava Uprave policije iz stava (1) ovog člana.
- (4) Na prijedlog policijskog komesara, ministar pravilnikom propisuje uvjete, način i postupak korištenja odobrenih finansijskih sredstava, kao i druga pitanja koja su od značaja za funkcionisanje kase za posebne namjene.
- (5) Vlada Kantona i ministar dužni su osigurati sve uvjete za samostalan i nesmetan rad Uprave policije radi efikasnog obavljanja svih poslova iz njene nadležnosti i omogućiti Upravi policije da samostalno koristi sredstva za rad.

Član 8.
(Priprema i izvršenje budžeta)

- (1) Policijski komesar priprema zahtjev za budžetska sredstva Uprave policije i dostavlja ministru.
- (2) Zahtjev za dodjelu budžetskih sredstava Ministarstva, uključujući i sredstva iz stava (1) ovog člana, ministar dostavlja, putem Ministarstva finansija, Vladi Kantona na dalje postupanje.
- (3) Na procedure pripreme i podnošenje zahtjeva za budžetska sredstva Ministarstvu i Upravi policije, kao i druga pitanja koja se odnose na odgovornost za računovodstvo, internu kontrolu, nadzor i zakonitost

raspolaganja budžetskim sredstvima, shodno se primjenjuju odredbe posebnih propisa kojima su uređena navedena pitanja.

Član 9.
(Unutrašnji poslovi)

Unutrašnji poslovi iz nadležnosti Kantona su:

- a) zaštita ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona;
- b) zaštita života i imovine, kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona;
- c) sprečavanje i borba protiv kriminaliteta i ostalih oblika protivpravnog ponašanja;
- d) otkrivanje i učesće u rasvjetljavanju kriminaliteta i ostalih oblika protivpravnog ponašanja;
- e) kriminalističko - tehnička vještačenja;
- f) održavanje javnog reda i mira;
- g) sigurnost, kontrola i regulisanje saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona;
- h) izdavanje odobrenja za nabavljanje, držanje i nošenje oružja i municije, vođenja propisanih evidencija, te kontrola istih;
- i) poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona.
- j) poslovi i zadaci koji se odnose na održavanje javnih okupljanja;
- k) posebno osiguranje određenih ličnosti i objekata na području Kantona;
- l) poslovi i zadaci policije koje Ministarstvu povjere tužilaštva i sudovi u Bosni i Hercegovini;
- m) izdavanje, poništavanje i zamjena ličnih karata i jedinstvenog matičnog broja građana i vođenje evidencija;
- n) izdavanje, poništavanje i zamjena putnih isprava i vođenje evidencija;
- o) registracija motornih vozila, izdavanje vozačkih dozvola i isprava o vozilu i vođenje evidencija;
- p) prijavljivanje i odjavljivanje prebivališta i boravišta građana i vođenje evidencija;

- r) provođenje postupaka za promjenu ličnog imena, utvrđivanje identiteta i promjenu spola;
- s) poslovi sticanja državljanstva Federacije BiH i promjene entitetskog državljanstva;
- t) čuvanje drugog primjerka matičnih knjiga u elektronskom obliku;
- u) vođenje kaznenih i prekršajnih evidencija u skladu sa važećim propisima;
- v) inspekcijски nadzor nad vođenjem matičnih knjiga i matičnog registra;
- z) inspekcijски nadzor zaštite od požara i eksplozija iz nadležnosti Ministarstva;
- aa) inspekcijски nadzor nad prometom i skladištenjem eksplozivnih, zapaljivih i ostalih opasnih materija koji su u nadležnosti Kantona;
- ab) inspekcijски nadzor i poslovi koji se odnose na rad agencija za zaštitu ljudi i imovine i unutrašnje službe zaštite;
- ac) pružanje pomoći građanstvu u vanrednim okolnostima;
- ad) poslovi modernizacije i opremanja za informacijski i radiorelejni sistem Ministarstva i Uprave policije i izrada projekata računarske obrade podataka;
- ae) saradnja sa državnim, entitetskim i kantonalnim ministarstvima nadležnim za poslove sigurnosti i unutrašnje poslove;
- af) pružanje pomoći organima uprave i pravnim licima koja vrše javna ovlaštenja u skladu sa zakonom;
- ag) obavljanje drugih poslova i zadataka koje Federalno ministarstvo unutrašnjih poslova (u daljem tekstu: Federalno ministarstvo) ili drugi organ uprave u Bosni i Hercegovini povjeri Ministarstvu iz svoje nadležnosti;
- ah) upravni i drugi poslovi i zadaci koji su u nadležnosti Ministarstva, u skladu sa ovim i drugim zakonima.

Član 10.

(Izvještavanje o radu Ministarstva i Uprave policije)

- (1) Ministar je obavezan da jednom godišnje, a po potrebi i češće podnosi izvještaj o radu Ministarstva koji obuhvata i izvještaj iz nadležnosti rada Uprave policije koji izrađuje Uprava policije.
- (2) Izvještaj iz stava (1) ovog člana podnosi se Vladi Kantona, a Vlada Kantona podnosi Skupštini Kantona.

Član 11.

(Ličnosti i objekti koji se posebno osiguravaju)

Na prijedlog ministra Vlada Kantona donosi Uredbu o osiguranju ličnosti i objekata Kantona koji se posebno osiguravaju.

Član 12.

(Zaštitni znak Ministarstva)

- (1) Ministarstvo ima zaštitni znak.
- (2) Na prijedlog ministra Vlada Kantona donosi Uredbu o obliku, sadržaju i načinu korištenja zaštitnog znaka Ministarstva.

Član 13.

(Obilježavanje i korištenje vozila Ministarstva i Uprave policije)

Ministar donosi pravilnik kojim se uređuje način obilježavanja i korištenja vozila Ministarstva, a uz saglasnost policijskog komesara za vozila Uprave policije.

DIO DRUGI – ORGANIZACIJA MINISTARSTVA I UPRAVE POLICIJE

POGLAVLJE I. UNUTRAŠNJA ORGANIZACIJA MINISTARSTVA I UPRAVE POLICIJE

Odjeljak A. Unutrašnja organizacija

Član 14.

(Unutrašnja organizacija Ministarstva i Uprave policije)

Unutrašnja organizacija Ministarstva i Uprave policije uređuje se Pravilnikom o unutrašnjoj organizaciji Ministarstva u skladu sa ovim zakonom i drugim propisima.

Član 15.

(Pravilnik o unutrašnjoj organizaciji)

- (1) Pravilnik o unutrašnjoj organizaciji Ministarstva donosi ministar uz saglasnost Vlade Kantona.
- (2) Odredbe Pravilnika iz stava (1) ovog člana koje se odnose na unutrašnju organizaciju Uprave policije predlaže policijski komesar.
- (3) Pravilnikom iz stava (1) i (2) ovog člana utvrđuju se:
 - a) organizacione jedinice i njihov djelokrug rada;

- b) sistematizacija radnih mjesta, koja obuhvata: naziv radnog mjesta, opis poslova, uslove za obavljanje poslova, čin za radna mjesta policijskih službenika, status izvršilaca, broj izvršilaca, vrstu djelatnosti, naziv grupe u koju spadaju poslovi, složenost poslova i druge elemente;
- c) način rukovođenja Ministarstvom, Upravom policije i njihovim organizacionim jedinicama;
- d) odgovornost i ovlaštenja rukovodećih državnih i policijskih službenika;
- e) sastav stručnog kolegija, način rada i pitanja o kojima raspravlja;
- f) broj pripravnika za radna mjesta državnih službenika i namještenika i uslovi za prijem pripravnika;
- g) programiranje i planiranje rada;
- h) način ostvarivanja prava i dužnosti iz radnog odnosa i disciplinska odgovornost;
- i) ostvarivanje javnosti rada;
- j) saradnja u vršenju poslova i zadataka i
- k) druga pitanja od značaja za organizaciju i način rada Ministarstva.

Odjeljak B. Osnovne organizacione jedinice Ministarstva

Član 16. (Organizacione jedinice)

- (1) Osnovne organizacione jedinice Ministarstva su:
 - a) Kabinet ministra;
 - b) Sektor za administraciju;
 - c) Sektor za podršku i
 - d) Inspektorat.
- (2) Pravilnikom o unutrašnjoj organizaciji Ministarstva mogu se utvrditi i druge osnovne organizacione jedinice.
- (3) Unutar osnovnih organizacionih jedinica iz stava (1) i (2) ovog člana utvrđuju se unutrašnje organizacione jedinice, kako bi se na adekvatan i efikasan način osiguralo vršenje poslova iz njihove nadležnosti.

Član 17.

(Nadležnosti organizacionih jedinica Ministarstva)

U okviru poslova iz člana 9. ovog zakona, Ministarstvo, preko svojih osnovnih i unutrašnjih organizacionih jedinica, obavlja sljedeće poslove:

- a) izdavanje, poništavanje i zamjena ličnih karata i jedinstvenog matičnog broja građana i vođenje evidencija;
- b) izdavanje, poništavanje i zamjena putnih isprava i vođenje evidencija;
- c) registracija motornih vozila, izdavanje vozačkih dozvola i isprava o vozilu i vođenje evidencija;
- d) prijavljivanje i odjavljivanje prebivališta i boravišta građana i vođenje evidencija;
- e) provođenje postupaka za promjenu ličnog imena, utvrđivanje identiteta i promjenu spola;
- f) poslovi sticanja državljanstva Federacije BiH i promjene entitetskog državljanstva;
- g) čuvanje drugog primjerka matičnih knjiga u elektronskom obliku;
- h) inspeksijski nadzor nad vođenjem matičnih knjiga i matičnog registra;
- i) inspeksijski nadzor nad zaštitom od požara i eksplozija iz nadležnosti Ministarstva;
- j) inspeksijski nadzor nad prometom i skladištenjem eksplozivnih, zapaljivih i ostalih opasnih materija koji su u nadležnosti Kantona;
- k) inspeksijski nadzor i poslovi koji se odnose na rad agencija za zaštitu ljudi i imovine i unutrašnje službe zaštite;
- l) upravni i drugi poslovi i zadaci koji su u nadležnost Ministarstva, u skladu sa ovim i drugim zakonima.
- m) drugi poslovi propisani zakonom.

Odjeljak C. Uprava policije

Član 18. (Unutrašnja organizacija Uprave policije)

- (1) Osnovne organizacione jedinice Uprave policije su:
 - a) Ured policijskog komesara,
 - b) Sektor uniformisane policije,

- c) Sektor kriminalističke policije,
 - d) Sektor za pravne, kadrovske i logističke poslove,
 - e) Jedinica za profesionalne standarde i
 - f) Policijske uprave.
- (2) Pravilnikom o unutrašnjoj organizaciji Ministarstva mogu se utvrditi i druge osnovne organizacione jedinice u Upravi policije.
- (3) Unutar osnovnih organizacionih jedinica, Pravilnikom o unutrašnjoj organizaciji Ministarstva mogu se utvrditi unutrašnje organizacione jedinice, kako bi se na adekvatan i efikasan način osiguralo vršenje poslova iz nadležnosti osnovnih organizacionih jedinica Uprave policije.
- (4) Ministar na prijedlog policijskog komesara pravilnikom propisuje način rada Jedinice za profesionalne standarde.

Član 19. (Nadležnosti Uprave policije)

U okviru poslova iz člana 9. ovog zakona, Uprava policije, preko svojih osnovnih i unutrašnjih organizacionih jedinica, uz potpunu operativnu samostalnost, obavlja sljedeće poslove:

- a) zaštita ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona;
- b) zaštita života i imovine kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona;
- c) sprečavanje i borba protiv kriminaliteta i ostalih oblika protivpravnog ponašanja koji su u isključivoj nadležnosti Uprave policije;
- d) otkrivanje i učešće u rasvjetljavanju kriminaliteta i ostalih oblika protivpravnog ponašanja koji su u isključivoj nadležnosti Uprave policije;
- e) kriminalističko - tehnička vještačenja i poslovi kontraiverziona zaštite;
- f) održavanje javnog reda i mira;
- g) poslovi sigurnosti, kontrole i regulisanja saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona;
- h) poslovi izdavanja odobrenja za nabavljanje, držanje i nošenje oružja i municije, vođenja propisanih evidencija te kontrola istih;
- i) poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona;
- j) poslovi i zadaci koji se odnose na održavanje javnih okupljanja;
- k) posebno osiguranje određenih ličnosti i objekata na području Kantona;
- l) poslovi i zadaci policije koje Ministarstvu povjere tužilaštva i sudovi u Bosni i Hercegovini;
- m) poslovi koji se odnose na rad agencija za zaštitu ljudi i imovine i unutrašnjih službi zaštite;
- n) pružanje pomoći građanstvu u vanrednim okolnostima;
- o) pružanje pomoći organima uprave i pravnim licima koja vrše javna ovlaštenja u skladu sa zakonom;
- p) prikupljanje i analiza informacija i podataka iz tačke c) ovog člana, kao i procjena stanja u oblasti unutrašnjih poslova u Kantonu;
- r) vođenje kaznenih i prekršajnih evidencija u skladu sa važećim propisima;
- s) vođenje operativnih i drugih službenih evidencija potrebnih za obavljanje poslova, u skladu sa važećim zakonima i drugim propisima;
- t) razmjena informacija sa tužilaštvima, sudovima i drugim policijskim organima u Bosni i Hercegovini;
- u) saradnja sa drugim sigurnosnim agencijama i drugim organima u Bosni i Hercegovini u okviru poslova Uprave policije;
- v) poslovi i zadaci koje Federalna uprava policije iz svoje nadležnosti povjeri Upravi policije;
- z) izrada plana i programa rada iz nadležnosti Uprave policije;
- aa) donošenje planova radi izvršenja policijskih poslova;
- ab) poslovi kontinuirane edukacije zaposlenika;
- ac) poslovi modernizacije i opremanja za informacioni i radiorelejni sistem Ministarstva i Uprave policije i izrada projekata računarske obrade podataka;
- ad) druge poslove i zadatke utvrđene zakonom i drugim propisima.

POGLAVLJE II. RUKOVODENJE**Odjeljak A. Rukovođenje Ministarstvom****Član 20.
(Ovlaštenja ministra)**

- (1) Ministarstvom rukovodi ministar.
- (2) U cilju provođenja zakona, kantonalne politike i prioriteta u vezi sa unutrašnjim poslovima i izvršavanja zadataka povjerenih od strane Vlade Kantona, pored zadataka utvrđenih drugim zakonima, ministar:
 - a) predstavlja Ministarstvo;
 - b) osigurava provođenje zakona i drugih propisa i efikasno funkcionisanje Ministarstva;
 - c) predlaže donošenje propisa iz nadležnosti Ministarstva;
 - d) donosi provedbene propise i druge opće i pojedinačne akte za koje je zakonom ovlašten;
 - e) organizuje rad Ministarstva;
 - f) odlučuje u upravnim stvarima u skladu sa zakonom;
 - g) organizuje jedinstven sistem izvještavanja i obrade podataka u oblasti unutrašnjih poslova neophodnih za vršenje poslova Ministarstva;
 - h) obavještava javnost o radu Ministarstva i Uprave policije, a o načinu obavještavanja donosi podzakonski akt uz saglasnost policijskog komesara;
 - i) utvrđuje potrebe, određuje i osigurava provođenje programa stručnog osposobljavanja i usavršavanja zaposlenika Ministarstva;
 - j) osigurava saradnju Ministarstva sa drugim državnim organima u Bosni i Hercegovini;
 - k) daje mišljenje na predloženu godišnju ocjenu o radu policijskog komesara na način predviđen u članu 41. stav (3) ovog zakona;
 - l) upravlja i usmjerava obavljanje poslova iz djelokruga rada organizacionih jedinica, izuzev poslova propisanih članom 19. ovog zakona;
 - m) imenuje upravne i druge stručne komisije i odgovarajuća radna tijela;
 - n) odlučuje o nabavci i korištenju sredstava za rad Ministarstva, osim sredstava utvrđenih za namjencu iz člana 7. ovog zakona;

- o) odlučuje o sljedećim pravima iz radnog odnosa policijskog komesara: plaći, naknadama, godišnjem odmoru i drugim odsustvima u skladu sa zakonom;
- p) odlučuje o pravima, obavezama i odgovornostima iz radnog odnosa državnih službenika i namještenika Ministarstva, osim državnih službenika i namještenika iz Uprave policije;
- r) daje smjernice policijskom komesaru u vezi sa općim pitanjima sigurnosti;
- s) izvršava i druge poslove i zadatke propisane zakonom.

**Član 21.
(Odsustvo ministra)**

- (1) Ukoliko ministar zbog prestanka mandata, smjene, ostavke, bolesti, odsustva ili drugih stvarnih ili pravnih razloga ne može vršiti svoja ovlaštenja, radi nesmetanog rada Ministarstva, sekretar Ministarstva obavlja te poslove.
- (2) Za vrijeme dok zamjenjuje ministra u njegovom odsustvu, sekretar Ministarstva ima sva prava, obaveze i ovlaštenja ministra predviđena u članu 20. ovog zakona.

Odjeljak B. Rukovođenje Upravom policije**Član 22.
(Ovlaštenja policijskog komesara)**

- (1) Policijski komesar rukovodi Upravom policije i ovlašten je da:
 - a) predstavlja upravu policije, organizira i osigurava obavljanje svih poslova iz nadležnosti Uprave policije;
 - b) nadgleda i usmjerava aktivnosti Uprave policije kojom rukovodi prema godišnjem planu rada Uprave policije i obavezama u rukovođenju iz ovog člana;
 - c) odlučuje u upravnim stvarima iz nadležnosti Uprave policije;
 - d) donosi propise i predlaže ministru donošenje propisa iz nadležnosti Uprave policije za koje je ovlašten zakonom;
 - e) odlučuje o zasnivanju i prestanku radnog odnosa, kao i o pravima i obavezama iz radnog odnosa policijskih službenika;
 - f) odlučuje o pravima, obavezama i odgovornostima iz radnog odnosa državnih službenika i namještenika u Upravi policije;

- g) odlučuje o disciplinskoj odgovornosti policijskih službenika za lakše povrede službene dužnosti na način propisan zakonom;
 - h) priprema prijedloge potrebnih finansijskih i drugih sredstava za rad Uprave policije;
 - i) odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije;
 - j) priprema tromjesečne izvještaje i preporuke u vezi sa realizacijom budžeta koje podnosi ministru;
 - k) imenuje stručne komisije i odgovarajuća radna tijela u vezi sa poslovima iz nadležnosti Uprave policije;
 - l) utvrđuje potrebe, određuje i osigurava provođenje programa stručnog osposobljavanja i usavršavanja zaposlenika Uprave policije;
 - m) organizuje jedinstven sistem izvještavanja i obrade podataka neophodnih za vršenje poslova Uprave policije;
 - n) ostvaruje saradnju sa drugim policijskim organima i agencijama za sprovođenje zakona u Bosni i Hercegovini, te saraduje sa tužilaštvima, sudovima i drugim nadležnim pravosudnim organima o pitanjima iz nadležnosti Uprave policije;
 - o) priprema programe, informacije, analize i druge materijale iz djelokruga rada Uprave policije na zahtjev ministra, Vlade Kantona ili Skupštine Kantona;
 - p) redovno izvještava ministra o poduzetim aktivnostima Uprave policije, a odmah o događajima i rezultatima poduzetih aktivnosti koje imaju značaj za sigurnost građana i interese Kantona, na osnovu sporazuma između ministra i policijskog komesara;
 - r) sačinjava godišnji izvještaj o svom radu i isti dostavlja ministru;
 - s) obavještava javnost o radu Uprave policije, na osnovu podzakonskog akta iz člana 20. stav (2) tačka h) ovog zakona;
 - t) dostavlja informacije i statističke podatke Federalnoj upravi policije u vezi sa poslovima iz nadležnosti Federalne uprave policije koji su povjereni Upravi policije;
 - u) organizuje i nadzire osiguranje određenih ličnosti i objekata;
 - v) mjesečno izvještava Nezavisni odbor o rezultatima svog rada;
 - z) odobrava upotrebu Specijalne policijske jedinice i Jedinice za sprečavanje narušavanja javnog reda i mira u većem obimu;
 - aa) donosi instrukcije, uputstva i planove radi izvršavanja policijskih poslova;
 - ab) vrši druge poslove koji su propisani ovim i drugim zakonom.
- (2) Policijski komesar je samostalan u operativnom planiranju i provođenju policijskih aktivnosti.
- (3) Policijski komesar za svoj rad odgovoran je ministru i Vladi Kantona.
- (4) Policijski komesar može ovlastiti načelnika Sektora uniformisane policije i načelnika Sektora kriminalističke policije da vrše određene poslove iz stava (1) ovog člana.

Član 23.

(Odsustvo policijskog komesara)

- (1) Ukoliko policijski komesar, zbog prestanka mandata, smjene, ostavke, bolesti, odsustva ili drugih stvarnih ili pravnih razloga ne može vršiti svoja ovlaštenja u rukovođenju Upravom policije, te poslove vrši načelnik Sektora uniformisane policije, sve dok policijski komesar ne bude u stanju da ponovo preuzme svoju dužnost ili dok se ne imenuje novi policijski komesar.
- (2) U slučaju iz stava (1) ovog člana načelnik Sektora uniformisane policije preuzima dužnosti u momentu nastupanja okolnosti izuzev u slučajevima smjene, ostavke i isteka mandata kada dužnost preuzima narednog dana nakon donošenja rješenja o smjeni, ostavci ili isteku mandata.
- (3) Za vrijeme dok zamjenjuje policijskog komesara u njegovom odsustvu, načelnik Sektora uniformisane policije ima sva prava, obaveze i ovlaštenja policijskog komesara predviđena u članu 22. ovog zakona.
- (4) Ukoliko je načelnik Sektora uniformisane policije, zbog pravnih ili stvarnih razloga spriječen da vrši poslove iz stava (1) ovog člana, načelnik Sektora kriminalističke policije zamjenjuje policijskog komesara i ostvaruje prava, obaveze i ovlaštenja predviđena u članu 22. ovog zakona.
- (5) Ukoliko policijskom komesaru prestane mandat zbog smjene, prihvatanja ostavke, isteka mandata ili nemogućnosti da ponovo preuzme poslove, Vlada Kantona imenuje novog policijskog komesara u skladu sa ovim zakonom.

**POGLAVLJE III. POSTUPAK IMENOVANJA,
MANDAT, OCJENA RADA,
POSTUPAK SMJENE I
RAZRJEŠENJA, DISCIPLINSKA
ODGOVORNOST I SUSPENZIJA
POLICIJSKOG KOMESARA**

Odjeljak A. Nadležnost i imenovanje Nezavisnog odbora

**Član 24.
(Nezavisni odbor)**

- (1) Nezavisni odbor je tijelo Skupštine Kantona koje objavljuje konkurs i provodi postupak odabira kandidata za policijskog komesara (u daljem tekstu: odabir kandidata), prati rad policijskog komesara i obavlja druge poslove određene ovim zakonom.
- (2) Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Nezavisni odbor.
- (3) Konkurs se objavljuje u "Službenim novinama Zeničko-dobojskog kantona" i u najmanje dva dnevna lista koja se distribuiraju na cijeloj teritoriji Bosne i Hercegovine.
- (4) Konkurs za imenovanje Nezavisnog odbora sadrži:
 - a) nadležnost Nezavisnog odbora;
 - b) uslove iz člana 26. ovog zakona;
 - c) spisak potrebnih dokumenata koje kandidat prilaže uz prijavu, kao i onih koji se pribavljaju po službenoj dužnosti.
- (5) Rok za podnošenje prijave je 15 dana od dana zadnjeg objavljivanja konkursa.
- (6) Nezavisni odbor radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.

**Član 25.
(Sastav Nezavisnog odbora)**

- (1) Nezavisni odbor se sastoji od sedam članova koji nisu zaposleni u Ministarstvu i Upravi policije kao i drugim ministarstvima unutrašnjih poslova i policijskim organima u Bosni i Hercegovini.
- (2) Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke.

- (3) Sastav Nezavisnog odbora odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštovanje spolne zastupljenosti.

**Član 26.
(Uslovi za imenovanje Nezavisnog odbora)**

Član Nezavisnog odbora mora ispunjavati sljedeće uslove:

- a) da je državljanin Bosne i Hercegovine;
- b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje sedam godina radnog iskustva u struci, prioritetno u oblasti pravnih, kriminalističkih, kriminoloških, bezbjednosnih ili drugih društvenih nauka;
- c) da nije član političke stranke;
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
- f) da nije osuđivan za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti.

**Član 27.
(Sukob interesa)**

- (1) Član Nezavisnog odbora ne smije biti u sukobu interesa u vezi sa radom Uprave policije i Ministarstva.
- (2) Sukob interesa iz stava (1) ovog člana postoji kada lice predloženo za imenovanje za člana Nezavisnog odbora ima lični interes u policijskim poslovima, koji može uticati na zakonitost, transparentnost, objektivnost i nepristrasnost u obavljanju poslova člana Nezavisnog odbora, kao i u drugim slučajevima propisanim zakonom.

**Član 28.
(Imenovanje i trajanje mandata Nezavisnog odbora)**

- (1) Članovi Nezavisnog odbora se imenuju na mandat od četiri godine.
- (2) Mandat člana Nezavisnog odbora može se obnoviti samo jednom uzastopno.

(3) Postupak izbora Nezavisnog odbora pokreće se najkasnije šest mjeseci prije isteka mandata postojećeg Nezavisnog odbora.

(4) Ukoliko mandat Nezavisnog odbora istekne prije imenovanja novog Nezavisnog odbora postojeći Nezavisni odbor nastavlja vršiti svoje dužnosti sve do imenovanja novog Nezavisnog odbora.

(5) Procedura imenovanja i razrješenja članova Nezavisnog odbora provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 11/13).

Član 29.

(Finansiranje Nezavisnog odbora)

(1) Rad Nezavisnog odbora finansira se sa budžetske pozicije Skupštine Kantona.

(2) Članovi Nezavisnog odbora imaju pravo na naknadu za svoj rad a visinu naknade utvrđuje Skupština Kantona.

Član 30.

(Nadležnost Nezavisnog odbora)

(1) Nadležnost Nezavisnog odbora je da:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) prati rad policijskog komesara i utvrđuje prijedlog godišnje ocjene o radu policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine Kantona sačinjava i dostavlja dodatni izvještaj o svom radu;
- e) predlaže razrješenje policijskog komesara Vladi Kantona u skladu sa ovim zakonom;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona;

(2) Administrativne poslove za Nezavisni odbor obavlja Stručna služba Skupštine Kantona.

Član 31.

(Funkcionisanje i odlučivanje Nezavisnog odbora)

(1) Nezavisni odbor je dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

(2) Članovi Nezavisnog odbora na prvoj konstituirajućoj sjednici između sebe biraju predsjedavajućeg, koji se po principu rotacije mijenjaju u skladu sa poslovníkom o radu.

(3) Nezavisni odbor se sastaje najmanje jedanput mjesečno.

(4) Nezavisni odbor može zasjedati ukoliko je prisutno pet od sedam članova.

(5) Na redovnim sjednicama Nezavisni odbor donosi odluke, za koje su glasala najmanje četiri člana.

(6) Na sjednicama na kojima se odlučuje o izboru, prijedlogu o smjeni i godišnjoj ocjeni rada policijskog komesara, Nezavisni odbor donosi odluke za koje je glasalo najmanje pet članova.

(7) Odluke se donose javno, a zapisnik o glasanju članova Nezavisnog odbora koji sadrži izjašnjenje svakog člana je dostupan javnosti.

Član 32.

(Postupak i uslovi za razrješenje člana Nezavisnog odbora)

(1) Skupština Kantona razrješava dužnosti člana Nezavisnog odbora u sljedećim slučajevima i to:

- a) ako prestane ispunjavati bilo koji od uslova na osnovu kojih je imenovan za člana Nezavisnog odbora;
- b) ako ne obavlja poslove u skladu sa zakonom i usvojenim poslovníkom o radu;
- c) ako neopravdano ne prisustvuje uzastopno na tri sjednice Nezavisnog odbora;
- d) ako, prema ocjeni nadležne zdravstvene institucije, postane trajno nesposoban za obavljanje poslova;
- e) ako postoji sukob interesa propisan članom 27. ovog zakona,
- f) na njegov lični zahtjev.

(2) U slučaju prestanka mandata usljed razrješenja ili smrti člana Nezavisnog odbora mandat novog člana koji je imenovan u skladu sa propisanim uslovima iz člana 26. ovog zakona traje do isteka mandata Nezavisnog odbora iz člana 28. stav (1) ovog zakona.

Odjeljak B. Konkursna procedura, imenovanje i mandat policijskog komesara

Član 33.

(Uslovi za imenovanje policijskog komesara)

Kandidat za policijskog komesara mora ispunjavati sljedeće uslove:

- a) da je državljanin Bosne i Hercegovine;
- b) da je zdravstveno sposoban za vršenje poslova;
- c) da ima najmanje VII stepen školske spremne ili najmanje završen prvi ciklus visokog obrazovanja bolonjskog sistema studiranja sa 240 ECTS bodova;
- d) da ima najmanje tri godine u činu glavnog inspektora;
- e) da nije pravosnažno osuđivan za krivično djelo;
- f) da se protiv njega ne vodi krivični postupak u skladu sa zakonima o krivičnom postupku u Bosni i Hercegovini;
- g) da nije disciplinski kažnjavan za teže povrede službene dužnosti;
- h) da se na njega ne odnosi odredba člana IX stav 1. Ustava Bosne i Hercegovine;
- i) da na dan početka mandata ne ispunjava uslove za penzionisanje predviđene zakonom;
- j) da nije bio član političke stranke nakon stupanja na snagu Zakona o policijskim službenicima Zeničko-dobojskog kantona - prečišćeni tekst ("Službene novine Zeničko-dobojskog kantona", broj: 4/14 i 2/18), (u daljem tekstu: Zakon o policijskim službenicima) ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;
- k) da nije bio na bilo kojoj poziciji u političkoj stranci na bilo kojem nivou i da nije bio postavljen na bilo koju poziciju od strane političke stranke nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen, u vrijeme prijavljivanja na konkurs;

l) da nije bio član izvršnog ili zakonodavnog tijela na bilo kojem nivou vlasti u Bosni i Hercegovini, nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs.

Član 34.

(Konkursna procedura)

- (1) Nezavisni odbor objavljuje javni konkurs najkasnije u roku 3 (tri) mjeseca prije isteka mandata policijskog komesara.
- (2) U slučaju razrješenja policijskog komesara, javni konkurs raspisuje se u roku od 15 dana od dana razrješenja.
- (3) Javni konkurs objavljuje se u "Službenim novinama Federacije Bosne i Hercegovine" i u najmanje dva dnevna lista koji se distribuiraju na cijeloj teritoriji Bosne i Hercegovine.
- (4) Rok za podnošenje prijave je 15 dana od dana zadnjeg objavljivanja konkursa.
- (5) Tokom provođenja konkursa primjenjuje se princip transparentnosti i zakonitosti.

Član 35.

(Kriteriji odabira)

- (1) Kandidati koji ispunjavaju uslove konkursa dostavljaju svoj prijedlog plana i programa rada za vrijeme trajanja mandata.
- (2) Pored razgovora, u procesu odabira kandidata Nezavisni odbor uzima u obzir sljedeće kvalifikacije:
 - a) stručno usavršavanje;
 - b) godine policijskog iskustva na rukovodećim radnim mjestima;
 - c) ocjenu rada u posljednje tri godine i
 - d) ostale kvalifikacije koje odgovaraju potrebama radnog mjesta.
- (3) Pored dokumentacije iz člana 33. ovog zakona, kandidat koji se poziva na razgovor dostavlja i dokumentaciju kojom dokazuje kvalifikacije iz stava (2) ovog člana.
- (4) Nezavisni odbor sačinjava rang listu kandidata na osnovu rezultata razgovora, ocjene kvalifikacija i predloženog plana rada iz stava (1) i (2) ovog člana.

Član 36.**(Postupak sačinjavanja rang liste kandidata za policijskog komesara)**

- (1) Nezavisni odbor razmatra prijave kandidata, provjerava dokumentaciju kandidata i u skladu sa propisanim uslovima iz člana 33. i kriterijima iz člana 35. ovog zakona utvrđuje rang listu od najmanje dva kandidata.
- (2) Rang listu sa obrazloženjem Nezavisni odbor dostavlja ministru u roku od 20 dana od dana isteka roka za podnošenje prijave na konkurs.

Član 37.**(Prijedlog Vladi Kantona)**

- (1) Najkasnije u roku od osam dana od prijema rang liste iz člana 36. stav (2) ovog zakona, ministar upućuje prijedlog sa imenima dva najbolje rangirana kandidata i obrazloženje Nezavisnog odbora Vladi Kantona radi imenovanja jednog od kandidata za policijskog komesara.
- (2) Ukoliko ministar ne uputi prijedlog kandidata u roku iz stava (1) ovog člana, Nezavisni odbor dostavlja rang listu sa imenima dva najbolje rangirana kandidata direktno Vladi Kantona, koja će imenovati jednog od kandidata za policijskog komesara.

Član 38.**(Ponavljanje procesa izbora i prijedlog jednog kandidata)**

- (1) Ukoliko Nezavisni odbor na osnovu objavljenog konkursa ne može sačiniti listu od dva kandidata koji ispunjavaju uslove konkursa, konkurs će se ponoviti u roku od 15 dana od dana okončanja objavljenog konkursa.
- (2) Ukoliko se po ponovljenom konkursu ne može sačiniti rang lista od dva kandidata, Nezavisni odbor prijedlog jednog kandidata koji ispunjava uslove iz konkursa, putem ministra dostavlja Vladi Kantona radi imenovanja.
- (3) Ministar prijedlog iz stava (2) ovog člana prosljeđuje Vladi Kantona u roku od osam dana od dana prijema prijedloga.
- (4) Ukoliko ministar ne uputi prijedlog kandidata u roku iz stava (3) ovog člana, Nezavisni odbor dostavlja prijedlog sa imenom kandidata iz stava (2) ovog člana direktno Vladi Kantona osam dana nakon isteka roka iz stava (3) ovog člana.

- (5) Kandidati za policijskog komesara sa liste iz člana 36. odnosno kandidat iz stava (2) ovog člana, daju pisanu izjavu o svom imovinskom stanju koju Nezavisni odbor dostavlja posredstvom ministra Vladi Kantona.

Član 39.**(Imenovanje policijskog komesara)**

- (1) U roku od 15 dana, od dana prijema prijedloga, u skladu sa članom 37. odnosno članom 38. ovog Zakona, Vlada Kantona donosi rješenje o imenovanju policijskog komesara i dodjeli čina generalni inspektor policije koje se objavljuje u "Službenim novinama Zeničko-dobojskog kantona".
- (2) Mandat policijskog komesara je četiri godine, a može se obnoviti samo jednom uzastopno.
- (3) Mandat policijskog komesara može se prekinuti samo u slučajevima predviđenim ovim Zakonom.
- (4) Policijski komesar se po isteku mandata vraća u čin glavnog inspektora i raspoređuje na radno mjesto koje odgovara navedenom činu.

Odjeljak C. Praćenje rada, godišnja ocjena o radu, razrješenje, disciplinska odgovornost i suspenzija policijskog komesara**Član 40.****(Praćenje rada policijskog komesara)**

- (1) Nezavisni odbor prati rad policijskog komesara na osnovu mjesečnog izvještaja o radu.
- (2) U skladu sa članom 30. stav (1) tačka f) ovog zakona Nezavisni odbor postupa po podnesenim pritužbama na rad policijskog komesara.
- (3) Nezavisni odbor ima pravo pristupa informacijama u skladu sa odredbama Zakona o zaštiti ličnih podataka i Zakonom o zaštiti tajnih podataka, a podaci i dokumentacija čija je operativna aktivnost u toku se ne mogu dostavljati Nezavisnom odboru.

Član 41.**(Godišnja ocjena o radu policijskog komesara)**

- (1) Nezavisni odbor utvrđuje prijedlog godišnje ocjene o radu policijskog komesara na osnovu podataka iz člana 40. stav (1) ovog zakona, te utvrđeni prijedlog godišnje ocjene o radu policijskog komesara posredstvom ministra dostavlja Vladi Kantona.

(2) Policijski komesar je dužan dati svoje pisano izjašnjenje o prijedlogu ocjene iz stava (1) ovog člana.

(3) Ministar, prijedlog ocjene Nezavisnog odbora o radu policijskog komesara, izjašnjenje policijskog komesara i svoje mišljenje o predloženoj ocjeni dostavlja Vladi Kantona na odlučivanje.

(4) Vlada Kantona, na osnovu prijedloga ocjene i izjašnjenja iz stava (2) i mišljenja iz stava (3) ovog člana, donosi godišnju ocjenu o radu policijskog komesara.

(5) Policijski komesar može izjaviti prigovor Vladi Kantona na odluku iz člana (4) ovog člana u roku od 8 (osam) dana od dana prijema odluke o ocjeni.

(6) Odluka Vlade Kantona po prigovoru je konačna.

(7) Godišnja ocjena o radu policijskog komesara može biti "uspješan" ili "ne zadovoljava".

Član 42.

(Prijedlog Nezavisnog odbora za razrješenje policijskog komesara)

(1) Nezavisni odbor podnosi prijedlog za razrješenje policijskog komesara Vladi Kantona putem ministra u sljedećim slučajevima i to:

- a) na lični zahtjev policijskog komesara;
- b) ako, prema ocjeni nadležne zdravstvene institucije, policijski komesar postane trajno nesposoban za obavljanje poslova;
- c) ako je konačnom odlukom utvrđena disciplinska odgovornost policijskog komesara i izrečena sankcija prestanak radnog odnosa;
- d) ako je policijskom komesaru izrečena pravosnažna kazna zatvora za krivično djelo;
- e) ako je policijski komesar ocijenjen godišnjom ocjenom "ne zadovoljava";
- f) u slučaju smrti policijskog komesara.

(2) Prijedlog za razrješenje iz stava (1) ovog člana ministar, uz svoje mišljenje, dostavlja Vladi Kantona.

(3) Vlada Kantona u roku od 30 dana od dana prijema prijedloga za razrješenje i mišljenja iz stava (2) ovog člana razmatra prijedlog i donosi odluku o razrješenju policijskog komesara.

(4) Odlukom iz stava (3) ovog člana Vlada Kantona policijskom komesaru oduzima čin generalnog inspektora policije.

Član 43.

(Inicijativa ministra za razrješenje policijskog komesara)

Ministar može podnijeti inicijativu za razrješenje policijskog komesara kada se raspolože dokazima da policijski komesar ne izvršava poslove iz člana 22. stav (1) tačke b) i p) ovog zakona.

Član 44.

(Postupak po inicijativi ministra za razrješenje policijskog komesara)

(1) Inicijativu iz člana 43. ovog zakona ministar dostavlja Nezavisnom odboru na razmatranje i davanje mišljenja.

(2) Nezavisni odbor dužan je svoje mišljenje dati u roku od sedam dana od dana prijema inicijative.

(3) Ministar svoju inicijativu za razrješenje policijskog komesara i mišljenje Nezavisnog odbora dostavlja Vladi Kantona na razmatranje i odlučivanje.

(4) Vlada Kantona u roku od 15 dana od dana prijema inicijative i mišljenja iz stava (3) ovog člana razmatra inicijativu i donosi konačnu odluku.

Član 45.

(Nadležnost Nezavisnog odbora u vezi sa disciplinskim postupkom)

(1) Nezavisni odbor može inicirati pokretanje disciplinskog postupka za povrede službene dužnosti policijskog komesara propisane ovim zakonom.

(2) Disciplinski postupak se vodi u skladu sa odredbama ovog zakona.

(3) Nezavisni odbor razmatra svaku primljenu pritužbu, provjerava navode i donosi ocjenu o njenoj osnovanosti, najkasnije u roku od 30 dana od dana prijema pritužbe.

(4) Ukoliko Nezavisni odbor ocijeni da postoje osnovi sumnje da je počinjena povreda službene dužnosti, Vladi Kantona dostavlja zahtjev da imenuje disciplinske organe iz člana 48. ovog zakona.

(5) Stručna služba Vlade Kantona, najkasnije u roku od 15 dana od dana prijema zahtjeva Nezavisnog odbora, predlaže Vladi Kantona rješenja o imenovanju disciplinskih organa za utvrđivanje disciplinske odgovornosti policijskog komesara.

(6) Ukoliko Nezavisni odbor primi pritužbu koja sadrži elemente koji mogu uključivati i krivičnu odgovornost policijskog komesara, istu prosljeđuje nadležnom tužilaštvu najkasnije u roku od sedam dana od donošenja ocjene o osnovanosti.

Član 46.

(Povrede službene dužnosti)

Policijski komesar disciplinski odgovara za sljedeće povrede službene dužnosti:

- a) neizvršavanje, nesavjesno, neblagovremeno ili nepažljivo izvršavanje službenih zadataka;
- b) vršenje aktivnosti koje nisu u skladu sa interesima policijskog organa;
- c) ponašanje koje onemogućava, ometa ili otežava drugima izvršavanje službenih zadataka;
- d) ponašanje koje narušava ugled policijskog organa;
- e) sprečavanje, izbjegavanje, ometanje ili na drugi način odgađanje provođenja internog ili disciplinskog postupaka protiv državnog službenika, policijskog službenika ili namještenika;
- f) sprečavanje građana ili pravnih lica u ostvarivanju njihovih prava pri podnošenju zahtjeva, žalbi, pritužbi, molbi i drugih podnesaka ili neodlučivanje po tim podnescima u zakonskom roku;
- g) činjenje ili nečinjenje koje vodi otkrivanju tajnih podataka;
- h) zloupotreba službenog položaja;
- i) odbijanje izvršavanja zakonitih naredbi nadležnih organa;
- j) nepoduzimanje ili nedovoljno poduzimanje mjera iz svoje nadležnosti;
- k) učestvovanje u političkim aktivnostima koje nisu u skladu sa službom policijskog službenika, bilo za vrijeme ili van dužnosti;
- l) protivpravno pribavljanje lične ili imovinske koristi za sebe ili za druge u vezi sa radom;
- m) izdavanje naredjenja čije bi izvršenje predstavljalo krivično djelo;

n) vršenje diskriminacije pri obavljanju dužnosti na osnovu: rase, boje kože, spola, jezika, religije, političkog ili drugog opredjeljenja, nacionalnog ili socijalnog porijekla ili po bilo kojem drugom osnovu.

Član 47.

(Disciplinska, krivična i prekršajna odgovornost policijskog komesara)

- (1) Policijski komesar odgovara za povrede službene dužnosti koje nastaju kao rezultat njegove krivice.
- (2) Krivična odgovornost za krivično djelo i prekršajna odgovornost za prekršaj ne isključuje disciplinsku odgovornost policijskog komesara ako počinjeno krivično djelo ili prekršaj istovremeno predstavlja i povredu službene dužnosti.
- (3) Oslobađanje od krivične ili prekršajne odgovornosti ne podrazumijeva istovremeno i oslobađanje od disciplinske odgovornosti policijskog komesara.

Član 48.

(Organi disciplinskog postupka)

- (1) Organi disciplinskog postupka nadležni za utvrđivanje disciplinske odgovornosti policijskog komesara su:
 - a) Disciplinski tužilac;
 - b) Prvostepena disciplinska komisija;
 - c) Drugostepena disciplinska komisija.
- (2) Organi navedeni u stavu (1) ovog člana su privremeni organi i imenuju se po potrebi, rješenjem Vlade Kantona.

Član 49.

(Sastav organa disciplinskog postupka)

- (1) Disciplinski tužilac mora biti diplomirani pravnik i imenuje se iz reda državnih službenika.
- (2) Prvostepenu disciplinsku komisiju čine tri državna službenika od kojih najmanje dva člana moraju biti diplomirani pravnici.
- (3) Drugostepenu disciplinsku komisiju čini pet državnih službenika od kojih najmanje tri člana moraju biti diplomirani pravnici.
- (4) Državni službenici iz stava (1), (2) i (3) ovog člana nisu zaposlenici Ministarstva i Uprave policije.

Član 50.
(Disciplinske sankcije)

- (1) Za povrede službene dužnosti iz člana 46. ovog zakona mogu se izreći sljedeće disciplinske sankcije:
 - a) pismena opomena;
 - b) novčana kazna u iznosu do 40% osnovne plaće na period do šest mjeseci;
 - c) prestanak radnog odnosa.
- (3) Pismena opomena se izriče za povredu službene dužnosti iz člana 46. tačka e) ovog zakona.
- (4) Disciplinska sankcija prestanak radnog odnosa izriče se u slučaju kada se ocijeni da su izvršene povrede službene dužnosti izazvale teže posljedice za sigurnost u Kantonu i da je prestanak radnog odnosa jedina odgovarajuća disciplinska sankcija za nastale posljedice.

Član 51.
(Pravila postupka)

- (1) Ukoliko postoje osnovi sumnje iz člana 45. stav (4) ovog zakona, Nezavisni odbor dostavlja disciplinskom tužiocu inicijativu za pokretanje disciplinskog postupka u roku od osam dana od dana imenovanja organa iz člana 48. ovog Zakona.
- (2) Po prijemu inicijative iz stava (1) ovog člana, disciplinski tužilac preduzima sve potrebne radnje u cilju ispitivanja osnovanosti inicijative.
- (3) Disciplinski tužilac je dužan u roku od 30 dana od dana prijema inicijative donijeti ocjenu o njenoj osnovanosti.
- (4) Ukoliko utvrdi da je inicijativa osnovana, disciplinski tužilac podnosi zahtjev prvostepenoj disciplinskoj komisiji za pokretanje disciplinskog postupka protiv policijskog komesara.
- (5) Prvostepeni i drugostepeni disciplinski postupak za utvrđivanje disciplinske odgovornosti policijskog komesara provodi se po pravilima disciplinskog postupka koja su utvrđena Pravilnikom o disciplinskoj odgovornosti policijskih službenika Ministarstva unutrašnjih poslova Zeničko-dobojskog kantona, izuzimajući odredbe o povredama službene dužnosti, internom postupku, organima disciplinskog postupka i disciplinskim sankcijama.

Član 52.
(Obaveza saradnje)

Sve organizacione jedinice Ministarstva i Uprave policije saraduju sa organima disciplinskog postupka, uključujući i pristup relevantnim podacima i osoblju.

Član 53.
(Suspendizija policijskog komesara)

- (1) Policijski komesar se privremeno suspenduje sa rada ako je protiv njega potvrđena optužnica za krivično djelo do okončanja krivičnog postupka.
- (2) Vlada Kantona na prijedlog ministra donosi odluku o privremenoj suspendiziji u skladu sa stavom (1) ovog člana i odluka o suspendiziji je konačna.
- (3) Tokom suspendizije službeno oružje, značka i službena iskaznica policijskog komesara oduzimaju se i zabranjeno mu je nositi službenu uniformu.
- (4) Tokom suspendizije policijski komesar ima pravo na 85% od svoje plaće.
- (5) Policijski komesar ima pravo na punu naknadu svoje plaće i druga prava po osnovu rada ako se utvrdi da nije odgovoran za učinjenje krivičnog djela.

POGLAVLJE IV. URED ZA PRITUŽBE JAVNOSTI

Član 54.
(Nadležnosti Ureda)

- (1) Ured za pritužbe javnosti (u daljem tekstu: Ured) je nezavisno tijelo Skupštine Kantona.
- (2) Nadležnost Ureda je da:
 - a) prima, razmatra, procjenjuje i prosljeđuje pritužbe na rad policijskih službenika Uprave policije, izjavljenih od građana, pravnih lica i drugih subjekata;
 - b) podnosi inicijativu za pokretanje internog postupka protiv policijskog službenika zbog povrede službene dužnosti;
 - c) prati, nadzire predmete i interni postupak koje provodi Jedinica za profesionalne standarde;

- d) prati i nadgleda izvršenje disciplinskih sankcija izrečenih od nadležnih disciplinskih tijela i provođenje tih disciplinskih sankcija kako bi se osigurala pravičnost i dosljednost, kao i svrha kažnjavanja;
 - e) prati i nadgleda da li Jedinica za profesionalne standarde obavještava podnosioca pritužbe o ishodu internog postupka u pisanoj formi;
 - f) vodi evidencije i baze podataka o pritužbama građana i rezultatima istrage na osnovu kojih je pokrenut disciplinski, prekršajni ili krivični postupak;
 - g) zahtijeva dodatno izvođenje dokaza u internom postupku ako mišljenje Ureda nije jednako mišljenju Jedinice za profesionalne standarde;
 - h) prati i nadgleda je li Jedinica za profesionalne standarde dostavila izvještaj nadležnom tužilaštvu u slučaju kada postoji osnovana sumnja da se radi o krivičnom djelu;
 - i) inicira pokretanje postupka za utvrđivanje odgovornosti protiv policijskog službenika Uprave policije koji bude odlagao, opstruirao ili prikrivao informacije vezane uz bilo koju povredu službene dužnosti;
 - j) zahtijeva pokretanje disciplinskog postupka protiv zaposlenika Jedinice za profesionalne standarde zbog zloupotrebe ili zapostavljanja postupka;
 - k) vrši nadzor nad ostvarivanjem nezavisnosti u radu Jedinice za profesionalne standarde koji se odnosi na pokrenuti interni postupak;
 - l) dostavlja Nezavisnom odboru pritužbe koje se odnose na rad policijskog komesara;
 - m) priprema i podnosi godišnji izvještaj o svom radu Skupštini Kantona, a na zahtjev Skupštine Kantona sačinjava i dostavlja dodatni izvještaj o svom radu;
 - n) obavještava javnost o svom radu;
 - o) donosi poslovnik o svom radu i
 - p) obavlja i druge poslove propisane zakonom i podzakonskim propisima.
- (3) Ako se pritužba odnosi na državnog službenika ili namještenika Ministarstva ili Uprave policije, Ured prosljeđuje pritužbu ministru, odnosno policijskom komesaru u roku 15 dana od dana prijema pritužbe.
- (4) Pod pritužbom se podrazumijeva podnesak koji se odnosi na nepravilan rad policijskih službenika.

Član 55. (Sastav Ureda)

- (1) Ured se sastoji od pet članova i to predsjedavajućeg i četiri člana.
- (2) Predsjedavajući i tri člana Ureda su iz reda građana, a jedan član je državni službenik zaposlen u Ministarstvu ili Upravi policije.
- (3) Najmanje jedan član Ureda mora biti diplomirani pravnik odnosno osoba sa stečenom diplomom visokog obrazovanja pravne struke.
- (4) Sastav Ureda odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

Član 56. (Uslovi za imenovanje članova i predsjedavajućeg Ureda)

- (1) Član Ureda mora ispunjavati sljedeće uslove:
 - a) da je državljanin Bosne i Hercegovine;
 - b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje pet godina radnog iskustva u struci u oblasti pravnih ili drugih društvenih nauka;
 - c) da nije član političke stranke;
 - d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
 - e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
 - f) da nije osuđivan za krivično djelo;
 - g) da se protiv njega ne vodi krivični postupak i
 - h) da mu nije izrečena disciplinska sankcija za teže povrede službene dužnosti.
- (2) Predsjedavajući Ureda pored uslova iz stava (1) ovog člana mora imati najmanje deset godina rukovodnog radnog iskustva na pravnim poslovima.

Član 57.**(Procedura i imenovanje Ureda)**

- (1) Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Ured.
- (2) Konkurs se objavljuje u „Službenim novinama Zeničko-dobojskog kantona“ i u najmanje dva dnevna lista koja se distribuiraju na cijeloj teritoriji Bosne i Hercegovine.
- (3) Konkurs za imenovanje Ureda sadrži:
 - a) nadležnost Ureda;
 - b) uslove iz člana 56. ovog zakona;
 - c) spisak potrebnih dokumenata koje kandidat prilaže uz prijavu na konkurs, kao i onih koji se pribavljaju po službenoj dužnosti.
- (4) Rok za podnošenje prijave je 15 dana od dana zadnjeg objavljivanja konkursa.
- (5) Ured radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.
- (6) Postupak izbora Ureda provodi se prema odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 11/13).
- (7) Ured se imenuje na mandat od četiri godine a može se obnoviti samo jednom uzastopno.
- (8) Postupak izbora Ureda pokreće se najkasnije šest mjeseci prije isteka mandata postojećeg Ureda.
- (9) Odluka o imenovanju Ureda je konačna.
- (10) Ukoliko mandat Ureda istekne prije imenovanja novog, postojeći Ured nastavlja vršiti svoje dužnosti sve do imenovanja novog Ureda.

Član 58.**(Finansiranje Ureda)**

- (1) Rad Ureda finansira se sa budžetske pozicije Skupštine Kantona.

- (2) Predsjedavajući i članovi Ureda imaju pravo na naknadu za svoj rad a visinu naknade utvrđuje Skupština Kantona.

Član 59.**(Postupak i uslovi za razrješenje)**

- (1) Skupština Kantona razrješava dužnosti predsjedavajućeg ili člana Ureda u sljedećim slučajevima i to:
 - a) ako prestane ispunjavati bilo koji od uslova na osnovu kojih je imenovan;
 - b) ako ne obavlja poslove u skladu sa zakonom i usvojenim poslovnikom o radu;
 - c) ako neopravdano ne prisustvuje uzastopno na tri sjednice Ureda;
 - d) ako, prema ocjeni nadležne zdravstvene institucije, predsjednik ili član Ureda postane trajno nesposoban za obavljanje poslova;
 - e) na njegov lični zahtjev.
- (2) U slučaju prestanka mandata usljed razrješenja ili smrti predsjedavajućeg ili člana Ureda mandat novog predsjedavajućeg ili člana koji je imenovan u skladu sa propisanim uslovima iz člana 56. ovog zakona traje do isteka mandata Ureda iz člana 57. stav (7) ovog zakona.

POGLAVLJE V. ZAPOSLENICI MINISTARSTVA I UPRAVE POLICIJE, DAN POLICIJE I NAGRADIVANJE**Član 60.****(Zaposlenici Ministarstva i Uprave policije)**

- (1) Poslove i zadatke iz nadležnosti Ministarstva i Uprave policije obavljaju policijski službenici, državni službenici i namještenici (u daljem tekstu: zaposlenici).
- (2) Državni službenici i namještenici Ministarstva i Uprave policije imaju službenu iskaznicu čiji se izgled, sadržaj i upotreba propisuje pravilnikom koji donosi ministar.
- (3) Za određena radna mjesta državnih službenika i namještenika u Ministarstvu i Upravi policije može se utvrditi dodatak na plaću u visini do 30% od osnovne plaće.

- (4) Vlada Kantona na prijedlog ministra i policijskog komesara utvrđuje radna mjesta i visinu dodatka iz stava (3) ovog člana.

Član 61.

(Stručno obrazovanje i usavršavanje)

- (1) Svi zaposlenici Ministarstva su obavezni da se stručno obrazuju i usavršavaju.
- (2) Sredstva za stručno osposobljavanje i usavršavanje iz stava (1) ovog člana će biti predviđena u Budžetu Kantona, na budžetskoj poziciji Ministarstva i Uprave policije.

Član 62.

(Pripravnici)

Pripravnici se primaju u Ministarstvo u skladu sa propisima kojima se reguliše radni odnos državnih službenika i namještenika.

Član 63.

(Kadeti)

- (1) Uprava policije vrši odabir kandidata za pohađanje obuke za policijske službenike - kadete u skladu sa Zakonom o policijskim službenicima.
- (2) Sredstva za obuku kadeta osiguravaju se u budžetu Kantona na budžetskoj poziciji Uprave policije.
- (3) Obuka kadeta za potrebe Uprave policije se reguliše posebnim ugovorom između Uprave policije i institucije u kojoj se vrši osnovna policijska obuka.

Član 64.

(Medusobne obaveze kadeta i Uprave policije)

- (1) Medusobne obaveze između kadeta i Uprave policije se regulišu posebnim ugovorom.
- (2) Za vrijeme obuke kadeti imaju obezbijeđen smještaj, hranu, kompletnu uniformu, udžbenike, zdravstveno i invalidsko osiguranje ako nemaju takvo osiguranje po drugoj osnovi, i mjesečna primanja dovoljna da pokriju osnovne lične troškove.
- (3) Sredstva za školovanje kadeta u instituciji koja obezbjeđuje osnovnu policijsku obuku osiguravaju se u budžetu Kantona, na budžetskoj poziciji Uprave policije.

Član 65.

(Dan policije)

- (1) Ovim zakonom utvrđuje se 15. maj kao dan policije u Kantonu.
- (2) U povodu obilježavanja dana policije Ministarstvo i Uprava policije organizuju svečanost uz dodjelu nagrada i priznanja.

Član 66.

(Nagrade)

- (1) Organizacionim jedinicama i zaposlenicima Ministarstva i Uprave policije mogu biti dodijeljene nagrade i priznanja za postignuti uspjeh u vršenju njihovih poslova.
- (2) Fizičkim i pravnim licima mogu biti dodijeljene zahvalnice i priznanja za saradnju i doprinos u radu Ministarstva i Uprave policije.
- (3) Nagrade i priznanja iz stava (1) ovog člana dodjeljuju se zajedničkom odlukom ministra i policijskog komesara.
- (4) Na prijedlog policijskog komesara ministar donosi pravilnik o nagradama i priznanjima iz stava (1) i (2) ovog člana kojim se propisuje način predlaganja i postupak donošenja odluka o nagradama i priznanjima kao i druga pitanja vezana za nagrade i priznanja.
- (5) O dodijeljenim nagradama i priznanjima vodi se evidencija čiji se sadržaj i način vođenja propisuje pravilnikom iz stava (4) ovog člana.

DIO TREĆI – MEDUSOBNI ODNOSI I SARADNJA MINISTARSTVA I UPRAVE POLICIJE SA MINISTARSTVOM SIGURNOSTI BOSNE I HERCEGOVINE, DRUGIM MINISTARSTVIMA UNUTRAŠNJIH POSLOVA, POLICIJSKIM ORGANIMA I ORGANIMA UPRAVE U BOSNI I HERCEGOVINI

Član 67.

(Principi saradnje)

Medusobni odnosi Ministarstva i Uprave policije sa Ministarstvom sigurnosti Bosne i Hercegovine, drugim ministarstvima unutrašnjih poslova, policijskim organima i organima uprave u Bosni i Hercegovini zasnivaju se na uzajamnoj saradnji, kontaktima, sporazumima, protokolima, ugovorima i razmjeni informacija od zajedničkog interesa u skladu sa zakonom.

Član 68.**(Saradnja sa jedinicama lokalne samouprave u
Kantonu)**

- (1) Ministarstvo i Uprava policije putem nadležne policijske uprave ili policijske stanice na zahtjev gradskog odnosno općinskog vijeća ili gradonačelnika odnosno općinskog načelnika dostavlja obavještenja, informacije i druge podatke o stanju i problemima iz djelokruga rada Ministarstva na tom području.
- (2) Gradsko odnosno općinsko vijeće ili gradonačelnik odnosno općinski načelnik mogu Ministarstvu dati prijedlog, mišljenje ili pokrenuti inicijativu u vezi sa pitanjima od značaja za bezbjednost na području grada ili općine.
- (3) Ministarstvo i Uprava policije je dužno da razmotri prijedlog, mišljenje ili inicijativu iz stava (2) ovog člana i obavijesti podnosioca o stavu i poduzetim mjerama.

Član 69.**(Saradnja sa Federalnim i kantonalnim ministarstvima
unutrašnjih poslova)**

Ministarstvo i Uprava policije saraduju sa Federalnim i kantonalnim ministarstvima unutrašnjih poslova i policijskim organima, u cilju zajedničkog unapređenja rada, usaglašavanja planova rada, preduzimanja zajedničkih aktivnosti i sigurnosnih mjera od zajedničkog interesa.

Član 70.**(Zadaci povjereni od strane Federalnog ministarstva i
pružanje pomoći kantonalnim ministarstvima
unutrašnjih poslova)**

- (1) Federalno ministarstvo ili Federalna uprava policije, uz saglasnost Ministarstva, odnosno Uprave policije, može povjeriti Ministarstvu odnosno Upravi policije poslove iz svoje nadležnosti.
- (2) Ministarstvo i Uprava policije izvršavaju povjerene zadatke od strane Federalnog ministarstva ili Federalne uprave policije neposredno primjenjujući zakone i druge propise Federacije.
- (3) Federalno ministarstvo nadzire sprovođenje propisa iz stava (2) ovog člana.
- (4) Ministarstvo i Uprava policije mogu pružati pomoć drugim kantonalnim ministarstvima unutrašnjih poslova kad oni to zatraže u skladu sa zakonom.

Član 71.**(Saradnja sa drugim organima, ministarstvima
unutrašnjih poslova i ostalim policijskim organima
u Bosni i Hercegovini)**

Ministarstvo i Uprava policije saraduju sa Ministarstvom sigurnosti Bosne i Hercegovine, kao i svim direkcijama i agencijama unutar tog Ministarstva na osnovu člana 67. ovog zakona.

Član 72.**(Pružanje pomoći policijskim organima u Bosni i
Hercegovini)**

- (1) U okviru svoje nadležnosti, Ministarstvo i Uprava policije su dužni saradivati i pružiti pomoć policijskim organima iz člana 76. ovog Zakona, na njihov zahtjev.
- (2) U slučaju da Ministarstvo i Uprava policije preduzmu aktivnosti iz člana 70. ovog zakona i iz stava (1) ovog člana, ministarstva i ostali policijski organi snose dodatne troškove izvršenja tih zadataka a detalji u vezi sa dodatnim troškovima se dogovaraju na uzajamnoj osnovi i po potrebi.

Član 73.**(Pružanje pomoći drugim organima ili pravnim licima)**

- (1) Uprava policije pruža pomoć drugim organima ili pravnim licima kojima je povjereno vršenje javnih ovlaštenja, radi osiguranja izvršenja poslova iz njihove nadležnosti, ako se prilikom izvršenja tih poslova i zadataka naide na fizički otpor ili se takav otpor može osnovano očekivati.
- (2) O načinu i obimu pružanja pomoći u smislu stava (1) ovog člana odlučuje rukovodilac nadležne policijske uprave odnosno policijske stanice, prema sjedištu organa, odnosno pravnog lica.
- (3) Kada ocijeni, da se prilikom pružanja pomoći iz stava (1) ovog člana može očekivati organizirani masovni fizički otpor ili upotreba oružja, rukovodilac nadležne policijske uprave odnosno policijske stanice je dužan, prije donošenja odluke iz stava (2) ovog člana, pribaviti pismenu saglasnost policijskog komesara.

Član 74.**(Pružanje pomoći u vanrednim situacijama)**

- (1) U slučaju elementarnih nepogoda, epidemija kao i u drugim vanrednim slučajevima Federalno ministarstvo, Ministarstvo sigurnosti Bosne i Hercegovine i njegove direkcije i agencije, Ministarstvo unutrašnjih poslova

Republike Srpske, Policija Brčko Distrikta ili kantonalno ministarstvo unutrašnjih poslova može od Ministarstva i Uprave policije, kao i Ministarstvo i Uprava policije od njih, zatražiti pomoć u sredstvima, opremi i kadrovima.

- (2) U slučaju iz stava (1) ovog člana Ministarstvo i Uprava policije su dužni pružiti traženu pomoć na način i u obimu koji bitno ne otežava ostvarivanje njihovih funkcija.

Član 75.

(Udruživanje i korištenje sredstava)

- (1) Ministarstvo i Uprava policije, drugi policijski organi i organi uprave u Bosni i Hercegovini mogu udruživati finansijska sredstva radi zajedničke nabavke opreme, uspostave jedinstvenog i funkcionalnog informacijskog i informatičkog sistema, stručnog obučavanja državnih službenika, policijskih službenika i namještenika koji rade na unutrašnjim poslovima i poslovima policije.
- (2) Ministarstvo i Uprava policije mogu zajednički koristiti sredstva Ministarstva i Uprave policije i policijskih organa i organa uprave u Bosni i Hercegovini, za vršenje poslova u vezi sa stručnim osposobljavanjem i usavršavanjem zaposlenika, naučno-istraživačkim radom relevantnim za potrebe policije, razvoja kompleksnih kriminalističkih i tehničkih stručnih procjena, osiguranjem policijske opreme, sistema informacionih tehnologija i komunikacijskih sistema, naoružanja i drugih sličnih sredstava, kao i u vezi drugih zadataka iz svoje nadležnosti.

Član 76.

(Saradnja u krivičnim stvarima)

Uprava policije uspostavlja službenu saradnju u krivičnim stvarima sa drugim policijskim organima u Bosni i Hercegovini, u skladu sa Zakonom o pravnoj pomoći i službenoj saradnji u krivičnim stvarima između Federacije Bosne i Hercegovine, Republike Srpske i Brčko Distrikta („Službene novine Federacije Bosne i Hercegovine“, broj: 25/02) i drugim zakonima i propisima.

Član 77.

(Razmjena informacija i prikupljanje podataka)

U ostvarivanju saradnje iz člana 76. ovog zakona, uspostavlja se kontinuirana razmjena podataka i info-

rmacija između Uprave policije, Direkcije za koordinaciju policijskih tijela Bosne i Hercegovine, Državne agencije za istrage i zaštitu, Granične policije Bosne i Hercegovine, Federalne uprave policije, uprava policije drugih kantona, Ministarstva unutrašnjih poslova Republike Srpske, Policije Brčko Distrikta, kao i drugih nadležnih organa.

Član 78.

(Razmjena informacija u određenom slučaju)

- (1) Uprava policije razmjenjuje informacije sa drugim policijskim organima u Bosni i Hercegovini, ako oni smatraju takvu informaciju neophodnom ili ako bi korištenje te informacije pomoglo istražni postupak ili postupanje policije u određenom slučaju.
- (2) Razmjena informacija se vrši u skladu sa Zakonom o zaštiti tajnih podataka („Službeni glasnik Bosne i Hercegovine“, broj: 54/05 i 12/09) i drugim zakonima i propisima.

Član 79.

(Razmjena podataka)

- (1) Ministarstvo i Uprava policije mogu razmjenjivati podatke s policijskim i drugim nadležnim organima u Bosni i Hercegovini:
- u svrhu uspostave i funkcionisanja baza podataka koje će koristiti policijski i drugi nadležni organi u Bosni i Hercegovini;
 - u svrhu uspostave i funkcionisanja sistema razmjene podataka s policijskim i drugim nadležnim organima u Bosni i Hercegovini;
 - u druge svrhe, u skladu sa važećim zakonima i drugim propisima.
- (2) Podaci iz stava (1) ovog člana se odnose na poslove policijskih organa, ministarstava i drugih nadležnih organa u Bosni i Hercegovini.

Član 80.

(Ovlasti policijskih službenika drugih policijskih organa na teritoriji Kantona)

Policijski službenici Direkcije za koordinaciju policijskih tijela Bosne i Hercegovine, Državne agencije za istrage i zaštitu, Granične policije Bosne i Hercegovine i Federalne uprave policije kod vršenja poslove iz svoje nadležnosti imaju sve ovlasti na teritoriji Kantona kao i policijski službenici Uprave policije.

Član 81.**(Vršenje poslova izvan teritorije Kantona)**

Uprava policije može direktno sa Federalnom upravom policije, drugim kantonalnim upravama policije, Ministarstvom unutrašnjih poslova Republike Srpske i sa Policijom Brčko Distrikta utvrditi uslove pod kojima policijski službenici mogu vršiti određene zadatke ili poslove na području drugog policijskog organa, te uslove pod kojim policijski službenici tih organa mogu vršiti određene poslove i zadatke na području Kantona.

Član 82.**(Krivična djela u nadležnosti drugih policijskih organa)**

- (1) U slučaju da, vršeći zadatke iz svoje nadležnosti, otkrije da se priprema izvršenje ili je izvršeno krivično djelo iz nadležnosti drugih policijskih organa u Bosni i Hercegovini, Uprava policije preduzima neophodne mjere i aktivnosti na sprečavanju izvršenja tog krivičnog djela ili pronalaženju i lišavanju slobode učinioca krivičnog djela.
- (2) Nakon preduzimanja mjera i aktivnosti iz stava (1) ovog člana, Uprava policije će odmah obavijestiti policijski organ nadležan za ta krivična djela.

DIO ČETVRTI – PRELAZNE I ZAVRŠNE ODREDBE**Član 83.****(Podzakonski propisi koje donosi Vlada Kantona)**

- (1) U roku od šest mjeseci od dana stupanja na snagu ovog zakona, Vlada Kantona će na prijedlog ministra donijeti:
- Uredbu o osiguranju određenih ličnosti i objekata u Kantonu iz člana 11. ovog zakona;
 - Uredbu o obliku, sadržaju i načinu korištenja zaštitnog znaka Ministarstva iz člana 12. ovog zakona.
- (2) U roku od tri mjeseca nakon donošenja Pravilnika o unutrašnjoj organizaciji Ministarstva na prijedlog ministra i policijskog komesara Vlada Kantona donosi odluku iz člana 60. stav (4) ovog zakona.

Član 84.**(Podzakonski propisi koje donosi ministar)**

- U roku od šest mjeseci od dana stupanja na snagu ovog zakona ministar će, uz saglasnost Vlade Kantona, donijeti Pravilnik o unutrašnjoj organizaciji Ministarstva iz člana 15. stav (1) ovog zakona.
- U roku od šest mjeseci od dana stupanja na snagu ovog zakona ministar će na prijedlog policijskog komesara donijeti:
 - Pravilnik o uslovima, načinu i postupku korištenja odobrenih finansijskih sredstava iz člana 7. stav (4) ovog zakona,
 - Pravilnik o načinu rada Jedinice za profesionalne standarde iz člana 18. stav (4) ovog zakona,
 - Pravilnik o informisanju javnosti iz člana 20. stav (2) tačka h) ovog zakona,
 - Pravilnik o izgledu, sadržaju i upotrebi službene iskaznice državnih službenika i namještenika Ministarstva i Uprave policije iz člana 60. stav (2) ovog zakona,
 - Pravilnik o nagradama i priznanjima iz člana 66. stav (4) ovog zakona.
- U roku od šest mjeseci od dana stupanja na snagu ovog zakona, ministar će, uz saglasnost policijskog komesara, donijeti pravilnik o izgledu, obilježavanju i korištenju vozila Ministarstva i Uprave policije iz člana 13. ovog zakona.

Član 85.**(Prelazne odredbe o mandatu imenovanih)**

- Izuzetno od odredbi člana 28., 39. i 57. ovog zakona, članovi Nezavisnog odbora, policijski komesar kao i predsjedavajući i članovi Ureda, imenovani na tu poziciju u skladu sa zakonom i drugim propisima koji su bili na snazi prije stupanja na snagu ovog zakona, ostaju na toj poziciji do isteka svog mandata.
- Danom početka primjene ovog zakona članovima Nezavisnog odbora i Ureda imenovanim iz reda zaposlenih u Upravi policije prestaje mandat.

Član 86.**(Prelazna odredba o primjeni važećih propisa)**

- U roku od 60 dana od početka primjene ovog zakona potrebno je sa ovim zakonom uskladiti odredbe Zakona o ministarstvima i drugim tijelima kantonalne

uprave („Službene novine Zeničko-dobojskog kantona“, broj: 10/15), Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17) i Poslovnika o radu Skupštine Kantona u vezi sa Nezavisnim odborom i Uredom za pritužbe javnosti.

Član 90.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“, a primjenjivat će se od 01.01.2019. godine.

(2) Do donošenja propisa iz člana 84. ovog zakona primjenjivat će se propisi koji su se primjenjivali do dana stupanja na snagu ovog zakona.

(3) Instrukcije i uputstva iz nadležnosti policijskog komesara doneseni prije stupanja na snagu ovog zakona ostaju na snazi do donošenja novih, a najduže šest mjeseci od dana stupanja na snagu ovog zakona kada isti prestaju važiti.

Broj: 01-02-14162/18
Datum: 17.09.2018. godine
Zenica

PREDSJEDAVALAČI

Jasmin Duvnjak, s.r
.....

345.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj dana 17.09.2018. godine, d o n o s i

Član 87.
(Imovina koju koristi Ministarstvo i Uprava policije)

Imovina Kantona koja je prenesena na korištenje dana 31.12.1996. godine i koju Ministarstvo i Uprava policije koriste na dan stupanja na snagu ovog zakona, kao i imovina koju Ministarstvo stekne nakon stupanja na snagu ovog zakona je imovina Kantona.

Član 88.
(Diobni bilans)

U roku od šest mjeseci od dana stupanja na snagu ovog Zakona ministar i policijski komesar će donijeti odluku o diobnom bilansu stalnih sredstava i sitnog inventara Ministarstva i Uprave policije.

Član 89.
(Prestanak primjene važećih propisa)

(1) Danom početka primjene ovog zakona prestaje da važi Zakon o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 15/04, 11/05, 9/09 i 2/18).

(2) Danom početka primjene ovog zakona prestaje da važi Uredba o uredu za pritužbe javnosti - Prečišćeni tekst („Službene novine Zeničko-dobojskog kantona“, broj: 12/09 i 11/10).

(3) Danom početka primjene ovog zakona prestaje da važi Odluka o utvrđivanju 15. maja kao Dana policije Zeničko-dobojskog kantona („Službene novine Zeničko-dobojskog kantona“, broj: 4/04).

ZAKON
O IZMJENAMA I DOPUNAMA ZAKONA O
NABAVLJANJU, DRŽANJU I NOŠENJU ORUŽJA I
MUNICIJE

Član 1.
(Dopuna člana 6.)

U Zakonu o nabavljanju, držanju i nošenju oružja i municije Prečišćeni tekst („Službene novine Zeničko-dobojskog kantona“, broj: 9/13 i 1/14), u članu 6. stav (1) iza tačke nn) tačka se zamjenjuje zarezom i dodaje nova tačka oo) koja glasi:

"oo) airsoft i paintball naprave su puške i pištolji, odnosno sportski rekviziti namijenjeni izbacivanju plastičnih, gumenih ili želatinoznih projektila na isti način kao i vazdušno oružje, s tim da mogu imati voći kalibar od navedenog i mogu raditi u automatskom režimu i da je energija projektila manja od energije navedene za pojam vazdušnog oružja."

Član 2.
(Dopuna člana 6a.)

U članu 6a. stav (1) Kategorija C iza tačke 4) na kraju teksta tačka se zamjenjuje zarezom i dodaju nove tačke 5) i 6) koje glase:



Godina XXIV - Broj 6

ZENICA, ponedjeljak, 20.05.2019.god.

SKUPŠTINA

18.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 8. sjednici održanoj dana 20.05.2019. godine, donosi:

**ZAKON O DOPUNAMA
ZAKONA O UNUTRAŠNJIM POSLOVIMA
ZENIČKO-DOBOJSKOG KANTONA**

**Član 1.
(Novi član)**

U Zakonu o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18), iza člana 6. dodaje se novi član 6a. koji glasi:

**"Član 6a.
(Sredstva za rad Uprave policije)**

Sredstva za rad Uprave policije, za period 01.01.2019. 01.01.2020. godine, osiguravaju se u Budžetu Zeničko-dobojskog kantona u okviru budžetske organizacije Ministarstva unutrašnjih poslova."

**Član 2.
(Dopuna člana 90.)**

U članu 90. interpunkcijski znak tačka na kraju teksta se briše, dodaje se zarez i riječi "izuzev odredbi članova 7., 8., 22. stav (1) tačka h), i) i j), člana 60. stav (4), 61. stav (2), 63. stav (2), 64. stav (3), 75. stav (1) i člana 84. stav (2) tačka a), koje će se primjenjivati počev od 01.01.2020. godine".

**Član 3.
(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2019. godine.

Broj: 01-02-8308/19
Datum: 20.05.2019. godine
Zenica

PREDSJEDAVAJUĆA
Amira Hadžić, s.r.



Godina XXIV - Broj 22

ZENICA, ponedjeljak, 16.12.2019.god.

SKUPŠTINA

544.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

**ZAKON O IZMJENAMA
ZAKONA O UNUTRAŠNjim POSLOVIMA
ZENIČKO-DOBOJSKOG KANTONA**

Član 1.**(Izmjena člana 6a.)**

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18 i 6/19) u članu 6a. tekst "01.01.2019. - 01.01.2020." zamjenjuje se tekstem "01.01.2020. - 01.01.2021."

Član 2.**(Izmjena člana 90.)**

U članu 90. tekst "01.01.2020." zamjenjuje se tekstem "01.01.2021."

Član 3.**(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2020. godine.

Broj: 01-02-18175/19
Datum: 16.12.2019. godine
Zenica

PREDSJEDAVAJUĆI**Čazim Huskić, s.r.**

545.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

**IZMJENE I DOPUNE BUDŽETA
ZENIČKO - DOBOJSKOG KANTONA
ZA 2019. GODINU**

I. OPĆI DIO**Član 1.****(Sadržaj)**

U Budžetu Zeničko-dobojskog kantona za 2019. godinu („Službene novine Zeničko-dobojskog kantona“ broj:3/19) član I. mijenja se i glasi:



Godina XXV - Broj 21

ZENICA, četvrtak, 17.12.2020.god.

SKUPŠTINA

537.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 29. sjednici održanoj dana 15.12.2020. godine, donosi:

ZAKON
O IZMJENAMA ZAKONA O UNUTRAŠNJIM
POSLOVIMA ZENIČKO-DOBOJSKOG KANTONA

Član 1.
(Izmjena člana 6a.)

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19 i 22/19) u članu 6a. tekst "01.01.2020. - 01.01.2021." zamjenjuje se tekstem "01.01.2021. - 01.01.2022.".

Član 2.
(Izmjena člana 90.)

U članu 90. tekst "01.01.2021." zamjenjuje se tekstem "01.01.2022.".

Član 3.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se počev od 01.01.2021. godine.

Broj: 01-02-19390/20
Datum: 15.12.2020. godine
Zenica

PREDSJEDAVAJUĆI
Čazim Huskić, s.r.



Godina XXVI - Broj 10

ZENICA, ponedjeljak, 05.07.2021.god.

SKUPŠTINA

251.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 34. sjednici održanoj dana 25.06.2021. godine, donosi:

**ZAKON
O IZMJENAMA I DOPUNI ZAKONA O
UNUTRAŠNJI POSLOVIMA
ZENIČKO-DOBOJSKOG KANTONA**

Član 1.

(Izmjena člana 33.)

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19 i 21/20) u članu 33., tačka d) mijenja se i glasi:

"d) da ima čin glavnog ili samostalnog inspektora i najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu."

Član 2.

(Izmjena člana 39.)

U članu 39., stav (4) riječi "glavnog inspektora" zamjenjuju se riječima "koji je imao prije imenovanja".

Član 3.

(Dopuna člana 42.)

U članu 42., stav (1) iza tačke f) dodaje se tačka g) koja glasi:

"g) u slučaju ispunjavanja uslova za penzionisanje predviđenih zakonom;"

Član 4.

(Stupanje na snagu i objavljivanje)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-9019/21

Datum: 25.06.2021. godine

Zenica

PREDSJEDAVAJUĆI

Čazim Huskić, s.r.

252.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 34. sjednici održanoj dana 25.06.2021. godine, donosi:

**ZAKON
O IZMJENI I DOPUNAMA ZAKONA O JAVNOM
REDU I MIRU**

Član 1.

U Zakonu o javnom redu i miru - Prečišćeni tekst ("Službene novine Zeničko-dobojskog kantona", broj: 12/16 i 6/17), u članu 3. stav 1. iza tačke 28. dodaje se nova tačka 29. koja glasi:

" 29. ko ne postupi po naredbi nadležnog organa kojim se propisuju mjere za zaštitu stanovništva od zaraznih bolesti."

Član 2.

U članu 6. iza tačke 4. dodaje se nova tačka 5. koja glasi:

" 5. za prekršaj iz člana 3. stav 1. tačka 29., novčanom kaznom od 100 do 500 KM".

SKUPŠTINA

174.

Na osnovu člana 37. stav (1) tačka f) Ustava Zeničko-dobojskog kantona („Službene novine Federacije BiH“, broj: 7/96 i „Službene novine Zeničko-dobojskog kantona“, broj: 1/96, 10/00, 8/04 i 10/04), Skupština Zeničko-dobojskog kantona, na 8. sjednici održanoj 16.05.2023. godine, d o n o s i

**ZAKON
O IZMJENAMA I DOPUNI ZAKONA O
UNUTRAŠNJIM POSLOVIMA
ZENIČKO-DOBOJSKOG KANTONA**

Član 1.**(Izmjene člana 33.)**

U Zakonu o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20 i 10/21), u članu 33. tačka d) mijenja se i glasi:

„d) da ima čin glavnog inspektora i najmanje tri godine radnog iskustva u tom činu;“

U istom članu tačka i) briše se.

Dosadašnje tačke j), k) i l) postaju tačke i), j) i k).

Član 2.**(Dopuna člana 39.)**

U članu 39. Zakona o unutrašnjim poslovima Zeničko-dobojskog kantona, iza stava (3) dodaje se novi stav (4) koji glasi:

„(4) Izuzetno od odredbe člana 122. stav (2) tačka b) Zakona o policijskim službenicima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 4/14 i 2/18), ako policijski komesar tokom trajanja mandata ispuni uslove za penzionisanje, radni odnos mu prestaje istekom mandata, ako ne nastupi neki od uslova za razrješenje propisan u članu 42. ovog zakona. Radni odnos policijskog komesara može trajati najduže do navršениh 65 godina života.“

Dosadašnji stav (4) postaje stav (5).

Član 3.**(Izmjena člana 42.)**

(1) U članu 42. stav (1) tačka g) mijenja se i glasi:

„g) ako utvrdi da policijski komesar koji je imenovan po odredbama zakona koji je bio na snazi u vrijeme njegovog imenovanja, tokom trajanja mandata ne ispunjava uslov propisan članom 33. stav (1) tačka d) ovog zakona;“

Član 4.**(Brisanje člana 85.)**

Član 85. briše se.

Član 5.**(Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-7856/23

Datum, 16.05.2023. godine

Zenica

PREDSJEDAVALAČI**Dejan Kovačević, s.r.**

175.

Na osnovu člana 24. stav (2) i člana 28. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20 i 10/21), Skupština Zeničko-dobojskog kantona na 8. sjednici održanoj dana 16.05.2023. godine, donosi:

ODLUKU**o imenovanju Nezavisnog odbora****Član 1.****(Sastav Nezavisnog odbora)**

Ovom Odlukom imenuje se Nezavisni odbor, u sljedećem sastavu:

1. Grujo Martin,
2. Huskanović Elvir,
3. Jusufović Naira,
4. Milešić Ranislav,
5. Mulić Enisa,
6. Mušić-Uka Almina,
7. Šut Semir.



05.03.2025
Pelua

02

1500 6.

Broj: 01-02-21339-1/24
Zenica, 03.03.2025. godine

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutrašnjih poslova
Ministarstvo unutrašnjih poslova
PRAVA POLICIJE

- n/r premijera Kantona
- n/r sekretara Vlade

Primljeno:	05-03-2025		
ORGANIZACIONA JEDINICA	KLASIFIKACIONA OZAKA	REDNI BROJ	BROJ PRILOGA
08-02-06/1-02	1-02	-1-3435-6	24

02-06
od nek
dostav
materijal
koji je vod
a radu
jo Miran

**ZAKONODAVNO-PRAVNA KOMISIJA SKUPŠTINE-svim članovima
putem Odjeljenja za poslove radnih i drugih tijela Skupštine i radno-pravne
poslove/04**

PREDMET: Urgencija za dostavu mišljenja o Inicijativi/Prijedlogu Zakona o izmjeni i dopuni Zakona o unutrašnjim poslovima Zeničko-dobojskog kantona-skraćeni postupak, predlagača Alena Kapkovića, poslanika u Skupštini Zeničko-dobojskog kantona
Veza: Naš akt broj: 01-02-21339/24 od 26.12.2024. godine

Aktom veze broj i datum gornji, dostavili smo vam na mišljenje **Inicijativu o Prijedlogu Zakona o izmjeni i dopuni Zakona o unutrašnjim poslovima Zeničko-dobojskog kantona**, predlagača Alena Kapkovića, poslanika u Skupštini Zeničko-dobojskog kantona, koju je imenovani poslanik predao u pisanoj formi na 35. sjednici Skupštine Zeničko-dobojskog kantona održanoj dana **23.12.2024. godine** u okviru predtačke dnevnog reda: „Postavljanje poslaničkih pitanja i pokretanje inicijativa“, o kojoj ste se, shodno članu 112. stav 1. i 2. Poslovnika Skupštine Zeničko-dobojskog kantona-Četvrti prečišćeni tekst („Službene novine Zeničko-dobojskog kantona“, broj: 5/24), bili dužni izjasniti u roku od 30 dana, kako bi se po istoj mogla nastaviti provoditi odgovarajuća propisana procedura.

Kako u ostavljenom roku, a ni naknadno, niste dostavili traženo mišljenje, to je poslanik Kapković na 36. sjednici Skupštine Kantona održanoj **25.02.2025. godine**, u okviru predtačke dnevnog reda: „Elaboracije odgovora na poslanička pitanja i inicijative“ zatražio odgovor u vezi sa istom i urgirao dostavu mišljenja.

S tim u vezi, **urgiramo** dostavu traženog mišljenja o navedenoj inicijativi u što kraćem roku.

S poštovanjem!



PRILOG: dio transkripta sa 36. sjednice Skupštine u kome je sadržana elaboracija poslanika Kapkovića

Dostavljeno:

3x Naslovu

1x Svim poslanicima Skupštine/**(skenirano na e-mail adrese)/ 05-03**

Ministarstvu unutrašnjih poslova Ze-do kantona, **n/r ministra**, na znanje

U spis predmeta **/05-02 „R“**

ALEN KAPKOVIĆ

Pozdravljam sve prisutne, evo ja sam dana 23.12. također podnio jednu inicijativu koja se odnosi na Prijedlog Zakona o izmjeni i dopuni Zakona o unutrašnjim poslovima Ze-do kantona. Kako znamo da je predviđeni rok za dostavu mišljenja 30 dana, evo ja sam kažem do danas nisam ništa dobio, pa samo da vidimo u kojoj je to fazi. Eto, hvala.